


六十五



文苑英華卷第九百八十一

祭文四

交舊四

祭吏部元郎中文一首 祭壽州張使君文一首

祭楊州常大夫文一首 祭常炎端公文一首

祭賈尚書文一首 祭相里造文一首

祭滁州李庶子文一首 祭裴尚書文一首

祭李員外文一首 祭陸端公文一首

祭吏部元郎中文 獨孤及

年月日禮部員外郎獨孤及謹以蔬飯壺酒敬祭於

集作于

故吏部郎中元公之靈上士齊死生下士愛生惡死而惑之知生死若幻而不能忘情於其間者我輩所不克免始

者與公同弔死問生論議亦頗嘗及此豈謂言未絕口而
公又長往昨日經過遽成疇昔何變化之速乃至於是視
不及瞬言不容集作息嗚呼元君今已返於機夫彭祖殤
子同歸於盡豈不知前後相哀達生者不爲嘆公齒髮未
老官途方半相視而笑異前路各有所展豈圖問閻數日
而死生間之竹林如故階塵未掃惟人琴兩亡影絕響滅
湯清絃豈可復聞承以今辰將赴瑩關痛天道之無集作
昧予豈無言而悲來從中遂集作復杼意匪祭也未以爲
別也尚饗

祭壽州張使君文

前人

年月日舒州刺史獨孤及謹以清酌嘉蔬柔毛之奠敬祭

集作

于故尚書工部郎中壽州刺史兼侍御史張公之靈

頃者副符爲郡與公鄰邑祗役徃復日以携手嘗辱嘉惠

愛我則深奈何此

集作

別後盈魄未周相去無山川之間

總聞嬰疾遽告不幸古詩稱一息不相知今而果爾

三字集作

爾耶別時高論精義在耳袖中尺書灑翰猶濕而形影驟

滅了無還期雖欲効古賢謂悲哀爲但

集作

恒非化情莫可遏

徒虛語爾惟公貞亮溫毅強學好古人皆窪而盈曲而全

公獨以全真

集作

峭直接物雖悔悵不改其度人多求田問舍

公獨以百家言爲寶藏書至八千卷而不止以斯道也施

於

集作

有政故其德形於事業其仁浹於百姓楚人壽人

如得陽春識者揣公壽與位偕今也溘然而人何望嗚呼

王事拘限會葬莫及思賢嘆逝執紙涕零苦久要之不我
忘也豈不顧饗於今日蘋藻之奠尚饗

祭揚州常大夫文

前人

年月日朝散大夫檢校尚書司封員外郎

三字集
作郎中

兼舒州

刺史充本州團練守捉使賜紫金魚袋獨孤及謹以嘉蔬

柔毛之奠敬祭于故揚州大都督府長史兼御史大夫淮

南道節度觀察處置使常公之靈王命九伯庶綏四方惟

公剖符作藩維揚往歲斯民匪迪匪康自公戾止視之如

傷飾吏以儒出言有章革剋煩苛載戢暴強將吏奉之

集作

若網在綱罔或作威以紊典章

集作
常

民斯輯睦政亦允

臧和氣被物豐年隆祥天之輔仁公宜熾昌柰何不淑

命遽殃

集作
央

百城憐心萬民何望及忝列城備守封疆獲

宥罪戾庇身余光德宇所覆今也則亡偏思遺愛追蹈

一作

悼餘芳俛仰興懷望慕淒涼拘限所職路阻且長遙杼下

情旨酒一觴尚饗

祭常炎端公文

前人

年月日司封郎中兼舒州刺史獨孤及前舒州司馬皇甫

曾等謹以清酌庶羞之奠敬祭于故侍御史舒州桐城縣

丞常公之靈昔公執法柱下某等接足

集作
武

周行嘗

集作
常

趨後塵飽聽公議及既出守曾後播遷公亦負譴玷

玷字
集作

黜辱同官為寮之好敢不知孝弟忠信強毅正直樂善惟

恐不及嫉惡不盡

集作
去

不止分枉直於心職

集作
識

以澄清

為已任形於造次發於自然謂必眉壽且鍾介福柰何強
仕集作之年大才先謝志業所趨未申萬一有生之涯溘

然未已慈親羸老弱子未亂反葬無望委體集作他山等

為歸真雞集作痛太甚天不我弔哀有何極某等頃嘗以

樽酒豆肉邀君同歡今之所獻猶前樽也但夙昔志氣比

來話言遽悉冥冥無非夢想往既不及來莫我集作追猶

持此尊集作以杼末別至苦集無此天闕之痛夫復何言

尚饗

祭賈尚書文

前人

大曆七年四月二十一日朝散大夫檢校尚書司封郎中
兼舒州刺史賜紫金魚袋獨孤及謹以清酌庶羞之奠

祭于故散騎常侍贈禮部尚書賈公六兄之靈嗚呼性介

之源仲尼罕言頃者與兄存而勿集作論亦謂景福必鍾

德門未虞昊天驟忍我斯集作所以分手容易前期日往

書札祗嗟別離孰云別中死生間之賈生謫去遭世不用

以命問鵬千古猶痛兄逢盛時任適梁棟青雲咫尺巨鱗

始縱溘爾中止俄同大夢天下孤望非兄誰勸追念夙昔

嘗陪討論總集作覈微言揭厲孔門匪究枝葉必探本根

高論拔俗精義入神誓將以儒訓齊斯民文章陵夷鄭聲

奪倫兄於其中振三代風風復為朴集作正始是崇學

者歸仁百川相宗集作六義炳焉自兄中興大名全才

儀刑百工嗚呼彼天胡不祐焉集作闔茸諛諛或錫永年

好學不幸繫兄復焉

集作然

豈天地不仁將斯民薄祐顯顯

之望見奪何遽某獲見於兄三十有六年矣兄有十

集作七

年之長蒙以伯仲相視博文約禮為

集作謂

仁由已同心之

言期於沒齒前後尺牘羅列案几悵悵清論恍恍在耳一

旦如失萬年

集作事

逝已民之所望今也胡俟某守職拘限

會喪

集作葬

願乖白馬素車欲往無階寢門一號心酸骨悽

容微自此求不復見若魂魄無不之也豈不覩平生心於

今日斗酒之奠乎尚饗

祭相里造文

前人

年月日舒州刺史獨孤及謹以清酌之奠敬祭于河南少

尹贈禮部侍郎相里公之靈嗚呼往歲嘗與公度論危生

變化豈不知身與萬物悉當歸無猶謂不惑於道者可以

不奪其筭豈圖論猶在耳目未及瞬而公度之身後為其

物益知觀化而怛

集作恒非

自古皆妄而哀來從中妄豈易遣

嗚呼公度有志有文量足韜世善可救物宰賜言語冉季

政事古莫兩大繫公兼之伊昔密薦可否廷拆克佞京師

童兇亦知公名其後江人杭人頌德不暇洛表耆老侯公

而蘇秉公論者無賢不肖孰不謂公致君致身方自此始

柰何吉未會也凶問隨之天下悼惜士友悽歎况某投分

於策名之始並命於剖符之列久要不忘平生實惟公度

是望心同病同

集作同心同病

我身子身也子與化往柰我心何

名跡留為政

集作故

事語

集作話

言存乎耳目惟音形渺忽無

前期可望每一念至哀填骨髓往矣公度去我何之勿言
一樽永難集作無共持儻肯顧饗表公我思尚饗

祭滁州李庶子文

前人

某月日常州刺史獨孤及謹以清酌嘉蔬之奠敬祭于故
右庶子滁州刺史楊州大都督府司馬兼侍御史隴西李
長夫之靈嗚呼才與上壽并者吾不得見之矣得見中壽
者斯可矣嗚呼長夫曾未半之官不展才事不如志奄謝
昭世溘歸黃泉雖欲茹哀哀可茹乎追惟長夫行茂神俊
孝愛友睦諒直仁勇卓犖夸邁英明曠遠集作遠文武志略
邦家必聞為州治行居百城之最詩賦歌事窮六義之美
休聲喧於里巷佳句被於管絃珪璋令問中外注耳調當

入拜九卿出分四岳萬人所望一旦中止行路悼惜豈直

同心者之心滄洲長挹之談玉溪獨往之興兢集作竟迫身

世永孤志願集作願言倘魂而有知當飲痛泉下往歲滁城之

會俱未以小別為感集作感臨岐道舊坎坎鼓我酒酣氣振

言盡歡甚孰知此際以是永訣今萬事如昨日集無日字書札

猶新惟故人音容不可復見悲莫悲兮生別離况長往之

別乎王事拘限莫由執紼卮酒豆肉後會無期彼蒼悠悠

逝者何之長夫長夫魂兮來思尚饗

祭裴尚書文

顧况

嗚呼天禍旣邦尚書告薨哀哀旣民罷市輟春何時復覩
盛德形容伏惟尊靈惠和温恭識洞元龜文掩雕龍天生

大賢叶贊時雍至人厭世寥廓爲友精神不留天地長久
谷神不死是曰長生伏料尚書上賓天庭悲號者何在物
之情惟公據道夙負重名爰自成才歷拜通榮五十餘年
侍奉承明隨難西蜀拔身定傾有唐中興累踐銓衡朝廷
擬公三老五更上憂方隅出典百城淺學自私掩善揚鄙
峩峩尚書近仁不已昔在春宮先我大國鬱興多士周易
有云黃中通理其斯謂乎自我江潭于今多秩處順保終
泯然自逸上官命况糴益蛟室菴居黃泉不見白日顧惟
陋賤時承周密感德懷仁何時終畢神儀超忽靈駕徘徊
敢申薄禮以表深哀伏惟尚饗

祭李員外文

前人

古之哲人銅鞮介山柳下臧文先生企之密邇四鄰逢時
不昌與世遭迤先生淵然金碧無塵通識殊倫精義造神
退居江潭節貫松筠皎皎先生蘭言玉聲詞林搖落天地
空春宜與太一上爲帝賓若商傳說例列星辰天將以公
經濟生人生人不幸天喪斯文斯文旣喪嗚呼郢匠先生
逝矣何人知况如况何人升堂誘進造次無爲樞機必慎
跡暢高節心融密印詞不能豁其胷襟故春容於絕韻而
京口歸魂毗陵旅櫬可勝悲哉心喪自何身役炎洲先生
大歸赴哭無由古之達者以生爲浮先生徂征與化同遊
四節不留物無長在寂寂賓階人遷事改陶潛自祭管輅
知終本師瞿曇了達虛空初命少子昏冠先一作禮兆祭

一作深哀疑作聖朝悼歎儻遂追崇忝友季茂休戚略同
北望丹徒山險萬里文非尺牘鬱塞盈膏想公形容昭况
肅恭尚饗

祭陸端公文

前人

維大曆八年正月朔同鄉顧况於永嘉發使具簞蔬野酌
敬祭陸三十二兄端公之靈嗚呼接席之歡俄成奠酒殊
鄉少別杳忽于今牽拘南役遠哭如淚兄秉德居厚植靈
超茂天和發外虛白自內特挺孤操與物去害惟昔二京
群盜縱橫出入十年天下交兵越盜寇吳殺人燒城國危
如此公乃請行我之行焉無往不平擁陣陵陽迴戈歛右
江南山洞畧盡遺醜拒敵先摧群降獨受兄之令弟况之

東風激風雲雷連詩酒昔魏有人子方段干兄之所
人心獲安賢者讓平惟患是急兄之忠勇人莫能及燕將
泣書齊師復邑迹為功著名因義立惟帝念功君門遂通
臺閣生風乃憶江東高臨山中有書滿屋與人共讀有粟
如雲與人共分破富為貧好事日聞靄靄牛潭峩峩囊嶺
開流架迥倒寫烟景今日淒涼林空夜末人或言吉凶
無門我命由我以兄之才何適不可寧知一旦忽鍾茲禍
鴻翔千仞自茲而墮嗚呼哀哉伏惟尚饗

文苑英華卷第九百八十一

八共

風

相

交

想

文苑英華卷第九百八十二

祭文五

交舊五

祭李員外文一首

祭福建李大夫文一首

祭皇甫大夫文一首

祭獨孤常州文一首

祭李祭酒文一首

祭孟尚書文一首

祭劉侍御文一首

祭李處州文一首

祭竇廬州文一首

祭柳侍御文一首

祭屯田柳郎中文一首

祭海陵李少府文一首

祭李處士文一首

祭李祭酒文一首

祭薛殿中文一首

為常州獨孤使君祭李員外文 梁肅

維大曆元年五月日朝散大夫守常州刺史賜紫金魚袋
獨孤某謹以清酌之奠祭于故尚書吏部趙郡李遐叔三

兄之靈嗚呼疇昔之年接兄討論倚伏之數或尋其源當

集本文謂仁人百禄滋蕃如何於兄斯道莫存文粹作斯

嗚呼哀哉惟兄孝友仁恕高明寬裕何德之茂何才之富

粹氣積中暢於四肢發為斯文郁郁耀一本輝自五百年

風雅陵夷假手于兄鬱為宗師乃登憲闈直以舉之乃列

諫臣闕則補之玄宗季年戎狄內侮兄方就養拘一本在

豺虎氣霧濛濛薄汗我躬雷雨作解遠身于東帝曰孝哉

可移於忠名彰二本右掖跡踐南宮丘明有耻玄晏方病

清漳閑卧樂道推命哀於大賢不停二本大年人之不幸

天亦何言在昔賈生見惡絳灌王佐之用不展於漢我之

方行遭世紛亂時塞道塞二本古今一貫嗚呼哀哉

某以蒙蔽夙承眷惠義均伯仲合若符契博約乎文章集

禮之間二本優游乎性命之際謂得携手相期卒歲天其

喪予君二本則先逝嗚呼哀哉曩自朝列出使持節文粹

持使十年離別一旦存沒吳楚迢迢江山阻越不及歸賻

集作賻文仍乖執紼寢門一哀魂斷心絕恭承嘉命來牧

于常總帳所二本在哀何可忘鞠然二孤訴彼穹蒼孰謂

遐叔與天茫茫魂兮歸來二本臨此一觴嗚呼哀哉尚饗

為獨孤常州祭福建李大夫文 前人

年月日具官某謹以清酌之奠敬祭于故福建都團練使

李公之靈嗚呼宗祐儲祉元純降氣炳靈於公才全德充
寬仁愿恭高朝集作明昭融文學政事儀刑王風帝謂叔父
闡實下國出作侯伯導之以德內撫罷人外攘劇賊文武
爲憲柔嘉是則我教用宣我民旣安佇登巖廊爲國羽翰
彼高者天胡莫祐賢人之云亡魯不末年嗚呼哀哉某往
忝諫臣在公下列周旋獻納以日繼月海運方遠搏風未
歇不慮不圖音徽已沫暮律嚴苦降霜肅殺臨岐一觴以
抒慘怛嗚呼哀哉尚饗

爲獨孤郎中祭皇甫大夫文

前人

年月日具官某謹以清酌之奠敬祭于故浙西東觀察使
皇甫公之靈古人有言智仁及勇是謂達德大夫蹈之以

衛王國乃昔天步未夷六師徂征嘗扞牧圉戡彼醜虜勇
也及夫宦豎擁兵窺伺樞密公沉謀內斷輔德不穢智也
分陝牧越統戎鎮俗承其風者莫不寧息仁也議者謂公
方爲國翰垣爲人父母宜錫難老荷茲介福命之倚伏曾
是不淑豈夫天所集作仁奪人所欲大旆長轂東征不復如
彼魯侯往歌來哭嗚呼哀哉某頃與公相遇於斯今也言
歸投弔於斯泛泛方舟旋集作旅載裳帷晏晏集作昔晏言笑今
成涕洟道路遠而音塵絕而旨酒一觴惟靈享思嗚呼哀
哉

祭獨孤常州文

前人

大曆十二年歲次丁巳五月朔日門生安定梁肅謹以清

酌庶羞之奠敬祭于故常州刺史河南獨孤公之靈嗚呼
間氣炳靈降生哲人何辜今人而喪斯文豈上天不仁道
之將廢奚盛德之淳懿忽中年而下世蹈得仁之機顏子
不幸負王佐之才賈生屏外其明尚晦其用未大藏舟遽
移梁木斯壞嗚呼哀哉追惟哲人應運而生行在五常志
在六經博厚溫良直方而明天縱多才蔚為時英孔門四
科洪範三德惣於公躬率履不忒頌聲旣微鄭衛亦集作橫
塞或游或僻時萬時億公當其時載振其維憲章典謨為
學者元龜文哉郁乎文實在茲伊昔策名東堂作尉西華
銘仙掌與函谷馳休聲於天下逮乎拾遺君前考禮太常
獻可之詞直而含章建言削彙故海內莫揚旋議廟桃乃

正謚法享帝之禮終焉允洽名正言順事深體合垂後可
大賢人之業起草剖符出臨濠舒二邦之民俟我而蘇愷
悌之化風行露濡蘭陵之郊人散政弛清淨之德下車則
治比迹邵父視人如子闔境熙怡有禮知耻朝思黃霸人
仰安石霄漢在目巖廊咫尺不啻不處坐而遐舉不慮不
圖忽焉傾徂遐邇震駭士民號呼罷市輟春相弔路隅嗚
呼哀哀顧惟小子慕學文史公初來思拜遇梅里如舊相
識綢繆慰止更居恤貧四稔于此常謂肅曰為學在勤為
文在經勤則能深經則可行吾斯願言勉子有成又曰文
章可以假道道德可以長保華而不實君子所醜敬服斯
言敢忘永久若乃室中函丈之席林下清觴之醪陪李膺

之泛洛從叔子之登峴亟承國士之遇又忝公車之薦奉
 明誠以周旋盡深衷於眷盼惟吉凶之倚伏若糾紛之相
 纏追子鵬集作庚子之占日應康成之夢年不云坐奠不暇撤
 懸秦醫匪集作驂救丘禱徒然瞬息之間音容莫傳痛心驚
 骨不可問天嗚呼哀哉平居所好脩竹芳草暇日之娛左
 琴右書微言雅典集作曲斷而集作一不續高齋已空蘭蕙猶
 馥門人行慟稚子抱哭語集作話言在耳悽慘滿目嗚呼哀
 哉覽遺編以流淚集作涕痛明德以集作之無還撫諸孤之尚
 藐庶盛烈之斯存鄉路千里歸期九原寄觴豆以寫心見
 平生之厚恩嗚呼哀哉

祭李祭酒文

前人

年月日守右補闕安定梁肅謹以清酌嘉蔬之奠敬祭于
 故國子監祭酒贈戶部尚書李公之靈惟公之德柔嘉惟
 則敬義且直惟公之才文武是該不矯不回剖符七郡風
 行雨潤有禮有訓連撫二藩如江如漢之屏之翰敷聞帝
 庭爰用陟明乃拜司成是親集作勤是行時則不幸遘茲太
 病薨於道路孰識天命嗚呼哀哉追想曩昔大曆之中獲
 見君子吳江之東靡適不隨無會不同于山于水于野于
 寺提携宴喜荏苒半紀公鎮南方奄征江黃乖離兩鄉道
 阻且長惠而好我簡牘相望于囊于箱厚意是將淑人君
 子懷允不忘繆繫纓組列于朝序望公之來寤寐斯佇方
 期款遇爰笑爰語豈意長往集作逝終焉莫睹寢門一慟集作

哀意拆神沮誰云少別便是今古嗚呼哀哉古人所稱曰
仁與誼君子之道在功與事邦憲之雄元侯之貴存有盛
美歿有遺懿所恨伊何壽猶未至所悲伊何人失其庇嗚
呼哀哉九原連連乃在三原日月有時宅兆彼安某近職
是拘執縛無緣寄陳薄醑有慟何言嗚呼哀哉尚饗

為雷使君祭孟尚書文

前人

年月日具官某謹以清酌之奠敬祭于故福建觀察使兵
部尚書贈右僕射孟公之靈嗚呼上天集作天之不仁公薨于
位岳鎮傾圯士林殄瘁追論茂德忠敏恭懿仰惟盛才文
學政事昔在天寶濫觴登朝爰自集作洎中興鴻飛乃高入
覲京師出司藩條便繁中外聞望光昭我后統天式張百

揆公居右轄實摠聯事推轂西郊兵符攸寄俄被集作服蟬

冕為王近侍無諸舊城人竄地僻詔曰爾諧出作侯伯數

求民瘼宣布王澤嶺表海壖夷風載革天下謂公耆德盛

名宜登岩巖為國老更方期集作朋三壽忽夢兩楹天寶不

遺人誰仰成爰因集作自七閩歸于九京當時大旆今也明

旌嗚呼哀哉某自宦學則趨明哲邦憲府庭再參下列周

旋惠好以日繼集作繫月不慮不圖有存有歿皇恩軫悼寵

光集作贈昭晰邦人怨思祖奠悽噎談笑如昨音徽永昧臨

岐一觴以抒慘怛嗚呼哀哉尚饗

為杜尚書祭侍御史文

前人

惟公天挺貞淳肅恭溫仁以禮立志以道藩身惟靜惟動

克儉克勤正直自立邦家必聞久侍禁闈嘉名益振上日
爾才監戎于閩身許九重禮達三軍軍中協睦罔或不親
朱紱煌煌映于銀章方期奏報歸侍天王外迫炎瘴內纏
膏肓不末斯年今也則亡浮江涉淮遠窆舊疆丹旆翩翩
言過維揚某早接公游仍弔公喪追懷宿昔感涕沾裳秋
日悽悽浮雲無光敬陳薄奠悲塞中腸嗚呼哀哉伏惟尚
饗

祭李處州文

前人

年月日淮南節度掌書記殿中侍御史內供奉梁肅謹以
清酌庶羞之奠敬祭于故處州刺史隴西李公之靈和氣
訢合乃生靈芝乃流醴泉降于人倫是爲俊賢猗歟李公

太丘遺愛斯存于越于宣先在西集作西源弱歲含章典教弘文聞善

風動輪軒濯纓歸朝拜踐郎官鴻鵠入冥白雲在天或謂

盛才宜管絲綸潤色謨訓以垂後昆官無中人吾道不興

留滯周南退守恭陵剖符于處美化斯弘雲油露濡山靜

江澄解印歸來考槃是卜龍沙游衍餘干耕鑿與道爲徒

以農代祿河洛識緯桓譚不集作非學草玄法言揚雄有作

志一窮通身安淡薄遇酒便醉工文且博脫遺形骸形奄

就冥漠士友殄瘁翰林凋落集作一鳴旣合父要乃申四

海兄弟如公幾人公去南州角巾衡門予集艱棘哀惇苦

辛眷恤何深弔問慇懃江湖眇然書札相因方期歲暮以

辛眷恤何深弔問慇懃江湖眇然書札相因方期歲暮以

德爲隣今也則亡吾誰與親鄧攸無嗣桑扈反真天道茫
昧誰云與仁嗚呼哀哉我圖其室得公之出相維茂族于
以納吉眷彼三星成之不日魂而不亡知此親昵嗚呼哀
哉季奉裳帷九原是歸葬於洛表路出淮夷平生歡愛一
慟申悲已矣夫子忽乎何之旨酒盈樽幽明此辭尚饗

爲杜東都祭竇廬州文

前人

年月日具官某謹以清酌之奠祭于故廬州刺史扶風竇
公之靈嗚呼惟天難諶惟命罕言倚伏同域吉凶一門公
之茂行蕙直而溫公之達才卓爾不群保身以正爲政以
仁宜錫難老集作壽考以庇斯民如何降凶奄忽反真伊昔登
朝厥猷則茂柱下執法南宮草奏赤縣浩穰四方輻輳惟

公下車善政俄報廬江曠守人或未康惠君旣來美化洋
洋治而有禮俾人知方予忝蕙問實知循良將以上聞冀
殊寵章命之不淑曾是隕喪嗚呼哀哉追想曩昔接公周
旋惠好斯存如蘭如荃間者睽闊東西累年會遇于茲談
笑依然別未集作未數旬遽歸九泉孰爲福善殲此仁賢官
守所羈祖奠無緣寄誠薄酌有恨何言嗚呼哀哉尚饗

爲人祭柳侍御史文

前人

年月日具官某謹以清酌庶羞之奠敬祭于故侍御史柳
公之靈惟公以孝友承家以直方從政以溫厚行已以敬
讓與人作掾大邦有親信之稱典司通邑著循吏之名冠
惠文佐蕙問輜軒所指吏肅風變列郡攸攝斯人以寧方

將荷餘慶而介景福播令名而延大耋天不與善命也有
終士林恒集作相駭親友欷歎嗚呼哀哉某等獲與公游聯
職戎司適云少別俄見函歸于以設奠出乎郊岐魂也何
之幽明此辭嗚呼哀哉尚饗

祭屯田柳師中文

權德輿

維建中二年歲次辛酉某月朔日試右金吾衛兵曹參軍
權德輿謹以清酌時羞之奠敬祭于故屯田郎中柳公之
靈在集作有漢理平子陵退耕運鍾明時公遂性情典校司
諫便蕃清秩南宮之拜詔書三出中朝虛左公志不屈優
游化源消息心術四時芬芳百鍊精剛德克於中用晦爾
尤是非萬殊不滑其常和易內蘊發於文章性命之際

夷之域理無不窮言必冥極救彼文勝作為典式扶教立
言實在清德時方逐進公則尚退文武集作人或外獎公則
理內獨立不惑以身矯世萬頃淵然孰知其際顧惟小子
猥奉音微賞則過實勗常中非日想德容心存清機今則
不見涕流沾衣嗚呼哀哉人世則異清風不匱總帳寥寥
泉臺下閔常聞福善今也無嗣立命如何斯文其墜尚饗

祭海陵李少府元易文

前人

維建中三年歲次壬戌某月朔日試右金吾衛兵曹參軍
權德輿謹以清酌時羞之奠敬祭于故海陵縣尉李君元
易之靈我得元易于茲三年粹秀清和仁義在焉行有餘
裕其文燦然五字之中含寫風煙巖扉舊隱常聞清興諸

生討論雅有時稱初與盧群德倫同隱居于譙山理實歸研境無遜勝嘉

招既至虛中以應從容解巾作尉江濱退以直道進無其

人性志彌篤郊居食貧衡茅之下孤石藜筠連墻者何則

有元鈞元鈞名崱君之族父探味玄奧踈適心神晚獲觀止心乎愛

矣扁舟往復就館于子靜賞烟霞深窮名理友直友諒惟

君是以集作已行不苟容必俟良工棧繫絕足橫閉銛鋒竟

嗟不試一命淪躡身沒跡晦靡申素志惟富與壽君則不

至人皆有子君獨無嗣總帷飄飄靈坐深閔幽顯此殊鳴

呼元易尚享

祭李處士穰子文

前人

惟貞元二年歲次景寅十月朔日試右金吾衛兵曹參軍

權德輿謹以時羞之奠敬祭于故李處士十六兄之靈惟

先吏部文德冠時天下翕然有所宗師鍾美於兄式克似

之爰自穉歲澹然清姿惟我與兄世有舊歡應若墳篋芳

若芝蘭居易處厚中明外寬發於濬源激為清瀾放懷外

物清機善謹討論不倦名教為樂迭用古義以相傳約先

王觀風命史陳詩雅南之後其道日醜騷楚怨思王風澆

夷升降之儀與代相隨國朝數公稍振舊風兄實求已服

勤於此敷陳麗則不野不史含寫佳境優游精理七發未

終俄驚不起追惟前年訪我由集作拳拳握手開襟慇懃款

言孰謂此訣死生間焉今我來斯舊館依然文伯既沒敬

姜哀慟子敬下世徽之末痛嗚呼哀哉流形賦命孰主張

是昏囂闡耳或壽或貴方直清明乃夭乃否如何斯人才
命不侔未室未仕溘與化俱志業靡申沉痛泉壚福善與
仁胡其忽諸嘉穀在籩旨酒在壺寄此一慟汎瀾涕濡尚
饗

祭李祭酒文

前人

維貞元七年歲次辛未五月朔日故吏前江南西道觀察
支使監察御史裏行權德輿謹以清酌時羞之奠敬祭于
故國子祭酒李公之靈伏惟峻閎洪宗有勞有忠光躍北
朝黎申繼封世名清純以至先公彌綸盛時德位昭融文
武吉甫克嗣其風儲慶發淳擇乎中庸天寶中年仕無異
門講道積學五經綸紛以能集作設非詔官校理秘文温若玉

質郁如蘭薰絃琴峩峩擁傳麟麟兩無留事並著嘉聞題
輿佐理剖竹爲政均彼化條簡其徵令風行草靡飲和發
咏難理之時四封謐靜累遷太郡亦佐成師宣其馨香蠲
彼癘疵時有行止道無磷緇虛中十年觀我靈龜大君嗣
位推擇良守乃眷上游作藩夏口報政獻功察廉一方再
扞大憝以完南邦盡殪舟師王旅乃張衆寡相懸以律而
臧就加副相乃鎮西江來懼去懷金石洋洋剛柔全德蹈
履不忒外無牆藩之峻中踐夷坦之域爲仁由已率誠不
飾播厥美利根於易直災去水火人滋衣食流庸胥附生
齒益息亦旣七年慰安斯人冲用知止封章乞身朝典崇
儒徵拜成均遽歎夢奠俄驚返真猥以蒙蔽再塵盛府重

問綉禮蓬茨之下惠愛博一作悼非約深誠見與左右彌縫愧
無所取九江拜手浹日前期如何奄忽過隙生悲羊分峴
首良會無時庾亮樓中求絕清機前歡幾何圓魄總缺承
訃長慟潏浚涕咽返葬迢逝西周古原柳車芻靈飛旆翻
翻體魄則降德馨長存拜奠心碎難酬舊恩尚饗

祭薛殿中文

前人

維貞元七年歲次辛未某月朔日前監察御史襄行權德
輿謹以清酌度羞之奠敬祭于故殿中侍御史薛七兄之
靈有生必化大鈞之方盛極而衰乃理之常又曰善慶鍾
爲福祥今則繆鑿天平茫茫追惟明靈夙播馨芳解巾秘
府累冠神羊清明之用百鍊堅剛麗藻之文六律鏗鏘嘉

言婉婉令問章章靖恭端和休有耿光總踰強仕未踐

行衆情顛然日遲騫翔早維通舊已飫馨香晚忝嘗

集作常

寮載換星霜府庭同舍居室鄰墻切劑惠愛何可弭忘憶
昨從公沿泛長江賓榻初散雲帆並張晨登佛廟晚眺魚
梁善謔理窟清言智囊既濟江浦俄驚府喪同歡未幾今
也則亡古稱滅孫德遠流長遽歎伯道求絕蒸嘗嗚呼不
膺難究蒼蒼上歸元窆集作無莫下閔幽荒呼天者兄晝哭若
孀琴書已矣行路悽傷柔嘉備籩澄齊蒲觴神其格斯揮
涕浪浪尚饗

文苑英華卷第九百八十二

文苑英華卷第九百八十三

祭文六

交舊六

祭包秘監文一首

祭呂給事文一首

祭梁補闕文一首

祭韓祭酒文一首

祭盧華州文一首

祭戶部崔侍郎文一首

祭獨孤常州文一首

祭獨孤台州文一首

祭張工部文一首

祭賈魏公文一首

祭唐舍人文一首

祭杜岐公文一首

祭秘書包監文

權德輿

維貞元八年歲次壬申五月朔日故吏部員外郎蕭存太常博士權德輿大理寺丞王純等謹以清酌庶羞之奠敬

祭于故秘書包七丈之靈在漢鴻臚蔚為名儒以續簪裾
乃生秘書純誠伉直古訓是式納忠宣力有勞王國昔自
秀造翰飛扶搖彌綸劇曹領袖清朝出入諷議嘉聲孔昭
道集作塞時通乃領藩條俄復郎署俾均繇賦經費委輸
待公而具受命匪躬于汴之東秩宗之貳司憲之雄鑿輅
時巡關梁未通每以貞勝行於險中登賢求舊入佐司寇
中和直清望與實并乃惣師氏三德興行又領秘丘六藝
章明偃息文囿優游漢庭雅韻拔俗清機入冥立言大旨
為經為紀行中集作文質不華不俚魯史一字詩人四始
泝其源流用制頽靡以誼藩身與道為隣虛中皦然不棲
緇塵動靜專直儀刑縉紳得喪虧成靡滑吾真宜介遐福
宜受戩穀未及下壽胡為不淑遺孤藐然銜恤茹毒善慶
不誣期於必復某等劣薄嘗承討論通世宿好嘉招厚恩
舞雩春遊昔實童子峴首良會俄叨知己歲月遄邁或行
或止慰薦難忘音徽不已各忝官命集作來歸帝里話舊
語新悲歡未幾驚疾癘之潛遘冀無妄而有喜信宿之間
格言在耳精識不亂達生大觀謝醫禱於門人順一氣之
聚散大鈞無期化往何之邦國殄瘁古今悽其虛室寥寥
總帷披披哀從中來雪涕交揮宗嘉列籙清沽集作蒲卮
神之聽之噫嘻格斯尚饗

祭呂給事文

前人

維貞元九年歲次癸酉正月庚申朔二十一日庚子右諫

議大夫陽城給事中徐岱李衡中書舍人奚陟尚書駕部
郎中知制誥張式左補闕權德輿謹以清酌庶羞之奠敬
祭于故給事中呂公之靈君子之道貴乎艱貞公用踐履
剛中粹精文學政事蔚然時名出處屯夷用晦而明命佐
戎車集作君命佐戎于彼淮甸方國多虞妖氣一作氣潜煽每以明
誠冀其革而外蒙耻以枉尺中飛章而告變白刃臨前丹
心炳然貞其困而後濟忘其生而後全浸沴既平忠勞亦
著草奏南宮嘉聲載路出領符竹澄清遠部夕拜黃扉昭
宣王度獻歲朝天侍立君前華纓玉珮行止鏘然周旋陟
降接踵差肩如何累日奄閔重泉嗚呼哀哉寓形此世無
非大夢寢門之外莫甚斯勸交歡幾時踰月于茲每冀休

沐相從讌私孰謂奄忽俄生癘疝醫禱不及形神已離其
等或辱在嘗集作常寮或忝陪下列嘉集作喜雲霧之初披恨
幽冥集作明之遽訣瞻彼塗芻言旋洛都平昔志集作智氣復
歸虛無酒殺靜嘉盈俎蒲壺何以道意潜然涕濡尚饗

祭梁補闕文

前人

維貞元九年歲次癸酉十一月朔日左輔闕權德輿等謹
以清酌庶羞之奠敬祭于故右補闕贈禮部侍郎集作郎中梁
君之靈我思古人乃得敬之今則不見嗚呼噫嘻賢哲之
生作瑞于時中立不倚大道甚夷人或多方以取世資君
懼其至泊然靈龜游夏遠矣文章運衰風流不還作者蓋
希君得其門獨泝澆醜遐蹈古始六經為師初冠章甫在

江之澹忘形交臂或出或處久要之契昭然相與直諒切
劇曠懷無阻漢庭虛左尺一旁午心與雲閑翼隨風舉恬
漠虛白環中之樞篤厚誠明君子之儒精義入神英華發
舒人所景行君之緒餘乃補袞職乃侍皇儲北宮密命東
觀直書致用無方迎刃皆虛漸漬教化闇然而孚文武憲
章堯舜典謨空結時均莫申令圖宜錫華皓以極其道鍾
美實多歸全太早子淵之仁叔度之賢皆厚其才而奪之
年吁嗟敬之今亦已焉孰司化工不與其全凡我同人官
次周旋微言嘉話恍若目前吾欲問蒼蒼而訴冥冥索夫
子於重泉末如之何從古以然平生一樽哭奠靈筵魂氣
何往空傷絕絃尚鄉人

祭韓祭酒文

前人

維貞元十年歲次甲戌三月朔日徵事郎守左補闕權德
輿謹以清酌庶羞之奠敬祭于故國子祭酒韓十四丈之
靈伏惟德厚流光炳靈發祥傳慶於集作于公鬱爲珪璋宣
力中外道光明代動必有裕直而無悔從容諫垣密勿絲
言炳然憲章潤色化源天集作六官之貳京劇之貴四方取

則九賦不匱蓬山秘書大學遵儒選重前代非賢勿居率
是明德便藩右職宣其馨香昭其物則四科難並全才乃
克利用無方沛然餘力再世金鉉確乎匪躬光輔帝道是
爲門風緇衣棣華宜復於公終缺人望天乎不備顧惟小
子夙承先友骨肉之契歲寒逾久爰自齟非深仁善誘恤

此殘生均其所有衣而食之祿而仕之闔門仰給纖悉無遺仁惻之道曲盡其宜二十年間完安保持比有多士忝跡清時必由念慮敢不知思秦原蒼蒼丹旒遲遲精魄何往音容莫追沉哀激中雪涕交揮神鑒如在含酸託詞尚饗

祭盧華州文

前人

維貞元十六年歲次庚辰四月己巳朔越八日景子從表弟朝議郎守中書舍人雲騎尉賜緋魚袋權德輿謹遣使以清酌時羞之奠敬祭于故華州刺史御史大夫盧六兄之靈詩謂君子溫其如玉書稱止人既富方穀明靈比德清議所屬未極全才如何不淑追憶曩歲鍾陵嘉招兄時

左遷屈佐乘輅幕庭山郭並榻連鑣心同則親敢曰嘗

集作

常察俄奏郡課復升郎位左掖斯密教官已貴殘骸被病

土梗蓬累謝交辟以未能方屏居以自遂拔茅推轂遐輸

集作

蹈古義七發粲然八行狎至詔下江干猥登禮官故

集作

顧蓬茨之鰕生忽束帶於朝端遐日良夜清言舊歡再披

雲霧未契金蘭帝念長人出臨左輔河潼襟要復此居部

乃亞丞相金龜映組美利休聲和風其雨弱植何幸累叨

禁垣諫曹

集作

署右史以至司言因緣踐履根本推援恐累

知人上負明恩一遠晤語九變涼溫日夕音微切劘討論

發函疊疊如見君子或忠言以規過亦善諱而溢美方

集作

冀登柄用以永介祉每驥首於公朝期盍簪於仁里俄驚

感疾方俟有喜志切乞身恩深卧理神道與善胡然不起
寢門一哀孰甚知己素車莫遂雪涕何已樽酒盞貳深誠
在此尚饗

祭戶部崔侍郎文

前人

維貞元十九年歲次癸未十月戊寅十二日己丑中書舍
人楊於陵禮部侍郎權德輿謹以清酌庶羞之奠敬祭于
故戶部侍郎贈右散騎常侍崔君之靈古之大觀推理以
達謂生爲勞於化不但苟非至人哀樂云云一欣一感松
茂芝焚遐想深契在於夫君素履無玷黃中有文卓爾堅
明皦然貞醇夙以聲實邁於群倫伊昔宦遊風塵不雜聯
簪法冠並列賓榻夷道可久淡交相合亦旣府除索然離

居或憩循江或旋練湖君初卷懷寓彼群舒四年之間

三四年間聯奉詔書分曹士師議禮太子中臺奏議並列哀烏

道舊放懷話言于于三登首曹乃貳師徒相顧飛翻接影

天衢顯允德業大僚是都凡我四人交歡靡渝直諒是程

中庸是經或會公朝猶疑幕庭孰謂夫子奄然冥冥交臂

相失汎瀾涕零入室皦皦孀孤之聲追懷悼心痛我友生

密印左貂以哀以榮嗚呼哀哉命之所賦豈有其數乃如

之人洵美無度常日謂我文昌連

集作

步如何今茲已隔

泉路疊疊良話依依平素晦明再晷冥冥大暮萬事風燭

九泉草露魂之來兮歆此薄具尚饗

祭獨孤常州文

前人

維貞元二十年歲次甲申十一月戊申朔禮部侍郎權德輿謹以清酌庶羞之奠敬祭于故常州刺史獨孤憲公十四丈之靈嗚呼德克而位不配才大而年不遐稽於賦命從古太息伏惟蘊大雅之愷悌遵六二之直方作為文章律度當世燦如日星炳若龜龍施於政事表率萬國三郡洽和四方鼓舞而不得弘大志業歿於中年豈洪鈞造物使才命相鑿先師罕言末如之何伏以夫集作先子篤忘形之契小人展無容之敬去世二紀清風凜然顧以息女歸公愛子雖不獲逮事而備承家法况茲菲薄實忝眷私辦方之年違難於江徼志學之歲伏謁於郡齋典司禮職掌奉易名之義嚮仰德門令承合姓之重話言誘掖造次敢忘德容碩姿髣髴在目自為聲舉之舊今則潘楊之歡二孤純孝遺烈鍾美鮮原改卜日月有時酒殺靜嘉式薦靈位尚饗

祭獨孤台州文

前人

維貞元二十年歲次甲申十一月戊申朔禮部侍郎權德輿謹以清酌庶羞之奠敬祭于故台州刺史獨孤七丈之靈洪範五福古人所貴伏惟道樞德機涵泳交鬯解龜隱機謙息東吳嗇神而去物累觀化以順天理終始貞吉歸全返真不登期頤者十數歲而已可謂康寧而壽以至考終命弘條集作脩政事遵職居部沂沿泲河四為二千石朱轡暢轂所至洽平率誠理身以化封內可謂攸好德其所

以異者富於義而遠於利以祿直賙姻族集作以清白遺子孫故即遠之日輶襚絕具孤嗣藐然以賻布襄事蹈道如是君子以為難介弟憲公挺此文德含章炳章與三代同風先門友善義比金石猶子秀茂申以婚姻引進琢磨居為雅器永懷感悅冀奉話言女子有行得奉門訓竟迫道途之阻未申供養之禮用此歎慟結於中腸轎車東來大墜斯啓柔嘉清滌用寄單誠尚饗

祭張工部文

前人

維貞元二十一年歲次乙酉七月戊辰朔四日辛未禮部侍郎權德輿謹遣男璩以清酌庶羞之奠敬祭于故工部侍郎兼御史大夫禮部尚書張二十九丈集作之靈丈

子之所以暢其業者文也學也士君子之所以植其本者正也忠也綽綽工部實由於斯起集作於逢掖乃執簡記章明義類振起褒貶博物洽聞時稱良史可不謂文乎誕章成式變禮疑議稽合於古節適于中群士屬目一言以決可不謂學乎處燎原盜泉之中不焚不濡終然遠難皎絜貞厲信權幸惡厥中立一罹讒鑠遂去清近祕丘十年不得自足可不謂行已之正乎出疆專對照耀原隰天覆之內無遠近集作君命之下無險夷再叶翟土乃蘇戎索暢威靈於大荒之外啓手足於野幕之下可不謂事君之忠乎年纔逾耳順官止貳起部於兄之量二者皆屈彼大羣大僚孰宜之哉頃陪禁掖俄接仁里觴酒歌詩清言

善謔靡日而間彌年以歡一瞬之間奄成今古以此思哀
如何可忘跌傷左足未任趾步鼓吹臨門滂洩如霰集作雨
平生風味今日永訣伏枕口占寄懷斯文尚饗

祭賈魏公文

前人

維永貞元年歲次乙酉十月景申朔二十三日戊午朝散
大夫守尚書戶部侍郎雲騎尉權德輿謹以清酌庶羞之
奠敬祭于故司空相國贈太傅魏國賈公之靈覆載之間
肖形必化惟令德淑問與天壤俱存伏惟以含一之量叶
休嘉之運四征授律勲在盟府二揆居中勤宣宰政注意
體國繫公是圖始自黃綬至于玄衮率由坦夷以極光大
浩若溟海熙如春臺歸全之日朝野相弔窮琬戈金鉞之

寵可以言貴過懸車貳膳之年可以言壽中和傳大之度
可以言君子知命順化之理可以言至人三朝告老終不
得請法賻弔祠禮嘉常數鄙薄無似辱公之知獎進切劘
逮茲一紀獲居里閭亟踐堂奧拔俗之韻忘年之歡疑在
視聽忽成今古嗚呼魏公可勝慟耶絜此觴豆奠于冥冥
髣髴風采公其降靈尚饗

祭唐舍人文

前人

維元和元年歲次景戌正月景寅朔十九日甲申戶部侍
郎權德輿謹以清酌時羞之奠敬祭于故禮部郎中知制
誥唐君之靈嗚呼文編行茂才全弱冠知名時推雋賢舍
章振藻金石在懸緣情放言采組相鮮憶昔淮湖與君觀

止忘形合志造適通理瓜步邦溝吳山楚水芝蘭之室三
十年矣君自江左集作左史進居臺卽予叨禮官亦忝周行熙
春至止休沐相將纒盍簪於上國俄出守於遐方盛山雲
安風水迢遞屈此二郡俄然半世文章煥發書札相繼辛
酸苦言欵曲嘉惠集作會顧我忝曠愧君淪滯屢封薦章輒
以人廢每與公範交脩宿契不進不土中心自誓大君繼
明元凱持衡方開宣室以待賈生裁成訓命所謂文炳詔
君君之士友相慶遲遲征軒來自荆門凡我同集作周非人載
勞夢魂屈指繼日候集作候居西垣不及百里俄歸九原嗚
呼文編此痛難言壽堂野土一別終古平昔風姿杳無處
所樽酒盞貳涕零如雨冥冥之間神其聽否尚饗

祭杜岐公文

前人

維元和八年歲次癸巳三月甲寅朔二十八日辛巳禮部
尚書權德輿謹以清酌庶羞之奠敬祭于故太保太傅岐
國公之靈伏集作夫惟體溫厚之氣協休和之運五常用仁
九德在寬六朝揚歷三后相公契作司徒爽居太保致位
遂志晏閑顯尊極人倫之壽寵備君上之恩禮傳曰行道
有福詩曰求福不回考祥視履惟公是已至若徜徉化元
保合太和扶遵嘉會將明利澤漸漬於生民而隱於視聽
者可勝道哉早辱招群仕纒初命頃沐鴻休職聯大任周
旋惠愛僅三十年集作三十餘年公府閱議郊居盛集滄溟沃日
之量清廟禮神之器四教五福明哲始終話言風采疑在

文苑英華卷第九百八十三
夢想變化糾紛何可勝論常日賓榻今茲靈位常日歡言
今茲聲淚常日精爽今茲魂氣常日鳴騶今茲騎吹永去
昭代言歸厚地平生一樽拜奠歆尚饗

文苑英華卷第九百八十三

文苑英華卷第九百八十四

祭文七

交舊七

祭成紀公文一首

祭社祐太保文一首

祭吉甫文一首

祭權相公文四首

祭成紀公文

崔損等

維貞元十二年月日朝議郎右諫議大夫崔損太中大夫
行給事中徐岱朝議郎給事中趙宗儒正議大夫守中書
舍人高郢宣德郎守駕部員外郎知制誥權德輿起居郎
韋丹起居舍人楊馮唐書左補闕歸澄崔邠韋渠牟左拾
遺李肇王中書右拾遺蔣武等謹以庶羞之奠敢昭告于
門下平章事贈太子太傅成紀公之靈龍爲輔臣虞闕四

門殷宗審象說代予言建中皇明崔爲文貞嗣德同風俾
公登庸運配我唐忠昭我皇君臣合契聖賢同方乃序五
行乃調三光乃作舟楫乃作棟梁溫裕內淑矜嚴外莊暖
若冬日肅如秋霜錯磨瑚璉黼藻文章昂不耀彩蘭非振
芳疏封慶遠輔族流長祖服旣纂孫謀更昌跡初泥蟠勢
漸雲翔繡衣持斧綿帳含香曾建隼旗廉察三湘亦倅龍
節和柔北荒左曹駁正中臺紀綱績徹宸宸恩昇廟堂東
西掖垣左右輔弼獻納忠讜訐謨慎密嘉猷必告內言罔
出清廟承天圓丘捧日宣子制典鄧侯定律有倫有要惟
精惟一功讎必舉愛犯斯黜保正懲邪損虛勵實儉能防
侈恭能戒一作逸假寐一作寢門宣力王室鈞軸是秉樞

機所發先平其心後宰於物赫赫天子萬方稟朔寄公鼎
彝授公帷幄方資爨贊更致淳樸從籍千畝侍巡五岳福
悲下壽忠惜永圖勃也厲疾倏焉夢殂皇心軫慟人望嗟
呼賻贈恩篤褒崇禮殊騎吹咸京龜兆鼎城緱山舊隴太
傅先瑩某等相府僚屬禁闈分職敢辱陶冶愧生羽翼馬
字疑作容誤龍鱗爰直孔雖不言幸亦有力徹帷啓殯執
紼俟門奠薄單醪羞輕特豚悲實懷德忠何顧恩清風令
範子子孫孫嗚呼哀哉伏惟尚饗

祭社祐太保文

鄭餘慶等

維元和八年歲次癸巳四月癸未朔九日辛卯銀青光祿
大夫守太子太一作保兼判太常寺事鄭餘慶銀青光祿

大夫守兵部尚書王昭銀青光祿大夫吏部侍郎楊於陵
 中大夫守戶部侍郎判度支盧坦朝議大夫守刑部侍郎
 充諸道鹽鐵轉運使王播朝議大夫權知禮部侍郎韋貫
 之等謹以清酌之奠敬祭于故太保贈太傅杜公之靈伏
 惟嶽峙毓德台符炳靈實啓邦傑佐時文明厚仁保和待
 物推誠夷道不隔直心無營允釐群官叅歷度務周旋四
 朝出入三署顧言慎行道在忠恕珪組外身江河比度始
 從卽位職典邦賦重人惜費惠恕周布建中之初受命分
 符報政長州擁節番禺趨俗蠻貊是訓是濡既撫淮楚遂
 荒隋都時當徐方倣擾爲虞截河鑠流擁滯邦輸統以威
 重簡于帝俞鎮寧二境並建雙旗十萬驅虎指麾風趨任

兼文武志尚詩書兵賦著典郡政來蘇學該地理識究
 機天寵載加時問逾積聿來登庸作弼邦國邦計攸掌國
 機畢畫求貞之際宮闈秘隔順皇沉疾奸臣竊職公聽群
 位揔已夕惕躬宣誥旨捧授金冊一人出震群邪蕩滌崇
 秩屢增湛恩備錫朝登劍履樂侔金石沐澣良辰宴慰親
 客朱輪紫授疑富盛赫奕戒足思退居高不危國有大計
 猶將來咨才實不器用皆適時位極元老守逾謙卑靈壽
 方賜懸車忽辭冀期頤以遐保遽樂往而哀隨餘慶等早
 忝班行嘗承顧盼仰台庭以增欵臨素車而申奠嗚呼哀
 哉伏惟尚饗

祭李吉甫文

武元衡

維元和九年月日某官謹遣某以清酌之奠敬祭于故中
書侍郎同中書門下平章事贈司空趙國公李公之靈元
精之和變乎網緼升爲星辰播爲賢哲當四序迭運克成
歲功元德咸宜用彰聖道惟公鍾茂間氣誕靈中和圭璧
鎮於巖廊宮商備於韶護經文緯武覩奧知微究理亂之
源流極天人之涯際洎濯纓清漢鳴珮天墀出入三朝徃
徃二紀嘗思禁掖潤色王猷屬元聖御極之初昊天降休
之日公內叅密命外正戎機竭心膂以振皇綱勵精誠以
輔玄化故得三光離胡九有澄清南定勾吳西殲邛夔默
運宏略弘宣大猷及公亮采登庸予忝台階接武翊戴元
首弼諧神人論道罔違恩波共浹及公推轂淮海予亦

鉞坤維俱荷寵駕各從藩翰陰隲庶彙惠洽顓蒙化砦窳
之人變澆漓之俗聲應義激契重情申信誓之言期於沒
齒隋宮井絡相去萬里山水澄鮮烟綿錯峙風傳麗句緘
開素鯉金石相投鏗然在耳再徵黃霸繼入丹墀啓沃同
心歲寒共期運屬休明道濟無爲星霜八變交態不移或
乘春賞花或對酒吟詩音容不間讌語忘疲宜保太和克
享期頤報功于岱岳侍宴于瑤池庭菊有芳朝露尚滋交
臂遽失瞥如飈馳惜乎時方泰而壽不與噫道行而數竒
復淮夷之成筭雖人亡而事遺輜悼皇情哀纏冊誅瞻彼
洛土青鳥爰止千里申奠九原同寄撫嵇紹而不孤銘太
丘而無愧嗚呼哀哉尚饗

祭權相公文四首

楊於陵

維元和十四年歲次己亥七月丁丑朔六日壬午尚書戶部侍郎兼御史大夫上柱國弘農郡開國公楊於陵謹以昔酒庶羞之奠敬祭于故相國贈尚書左僕射權公之靈伏以世濟明德天資上才默識中照襟靈洞開言成典誥筆落風雷扣寂窮妙神交思來百代遐鷺九沅兼該傾詞人之藪澤爲作者之杓魁粵自童年飛聲天下論交請益莫非賢者在蒔藩服發輝文雅遽徹明庭難留諸夏騏驎之步騁於康莊鸞鳳之舞暢於朝野望九霄於瞬息指千里於尋常遵曲臺之講肄脩諫省之封章帝曰絲綸代予口語詞之頗僻政亦乖阻爾其專掌爾必師古亟換官榮

屢移星序春泉涌溢彩翰飛舞丕變澆訛裁成訓詁六官之貳我踐其五朗鏡高懸時髦盡取陶鈞之柄義利求分詭情異態抑有前聞公之雅素迥拔群倫知以藏用忠惟愛君將所以懲止誇競儀刑縉紳豈獨辨是非於毫髮較輕重於逡巡而已哉日居月諸或處或出分陝東之憂寄統漢上之師律懋官之典雖荷於朝章福善之徵尚期於陰隲如何不淑大禍俄鍾方佇朝天之慶翻成夢奠之凶歎人倫之殄瘁哀今子之夜窮幸斯文之不泯將千載之爲宗於陵爰自壯年獲承嘉惠以蕭蘭之菲質荷松栢之深契鍾陵携手禁掖連袂講德談玄依仁遊藝平生之恨尚嗟離別之多零落之悲何堪衰暮之際嗚呼謀及龜策

言旋洛師風淒晚籟霧偃靈輻收淚舉酒升階致詞儻交
情之不昧實神鑒之來思尚饗

二

李直方

維年月日中散大夫試太常少卿上柱國李直方謹以清
酌庶羞之奠敬祭于故三丈相公之靈天作雷雨山川出
雲帝思理平英髦並生爰自弱歲植此休德弘重不噐仁
聲淵塞旋昇外臺乃居察視輔人成化入爲右史文學溥
傳德度謙冲載領絲言粉澤天工詞簡理詣燦然昭融俾
國家詔命上逾十代與周漢同風爰登禮曹實司選士人
罕其再我三專美雄文懿行善價端顛士昂周行鱗集麀
至一作聚朝推厥德乃作天官庶職惟允允流序焉帝念儲

皇輒居調護九法闕理乃遷兵部禮樂不綱斯爲奉常神
人以和騫飛廟堂鼎飪三載萬方咸賴退爲宗伯碩望彌
赫惟梁思理建節來萃教化惠和流庸洽至憶昔攸徃火
旗雷麾今也來思白馬龍輻哀笳疑咽以增感丹旒悠揚
而獨飛嗚呼哀哉直方昔在南宮擢遷綸閣提携推薦忘
其菲薄顧庸淺而難持竟鴻飛而終却今佳城行啓哀挽
徐吟跪靈筵而號慟淚橫墮而不禁伏惟尚饗

三

王仲舒

維年月日從姨弟使持節蘇州諸軍事守蘇州刺史賜紫
金魚袋王仲舒謹遣某人以清酌之奠敬祭于故山南道
節度使贈尚書左僕射權三兄相公之靈惟靈天受全氣

早挺文學用道以直閑邪存誠心常坦夷而不離法度操
本堅峻而盡歸忠厚自拂衣登朝周歷清重靜專一節造
次於是內翊皇極外擁麾旄賢哲極致天下榮觀豐祿足
以肥家雄文可以潤屋而奉已彌約素風逾鮮顛昂山立
况相遠乎論道上庠猶謂之薄况不至乎哀哉仲舒及冠
之年情契深至非求道之要不為辭端非為文之蹟不著
心本雲路盡相致之誠間宴諸道舊之適音容如覩書札
尚新靈儀宛然驟隔今古局守遠郡臨慟無因敬薦酒醑
用申平昔尚饗

四

蕭籍

維年月日門生義武軍節度使行軍司馬文林郎檢校尚
書戶部員外郎驍騎尉賜紫金魚袋蕭籍謹以清酌之奠
敬祭于前相國故山南西道節度使檢校吏部尚書兼興
元尹御史大夫贈尚書左僕射之靈伏惟明靈稟天地絪
縕之和為唐虞文武之臣宜乎壽登期頤福如崇山安危
所注意致大君於三五之上如何昊天壞我梁木承訃之
日縉紳失望豈喬疑作終蹇歌疑謝興誼輟相之足云乎
信無等級以寄言也嗚呼哀哉公昔在貞元實司文衡等
甲者七十有二人惟籍鯁生名不聞於將命者公以至公
俾居選中數仞之墻得門而入荷此知己與嵩華為輕矧
乎侍立班墀常趨後塵退食台庭亟承嘉言昔之少別今

成永訣哭寢之慟百身可贖嗚呼哀哉伏以天子有命司
戎使車三請會葬元侯不許既不得見曳杖之日又不得
見如斧之封思欲如赤爲志如賜築室邈乎其不可及已
身寄於燕趙之交神馳於涇渭之表瞻望遐路心悽目泫
其可及乎所可慰者臧孫有一作後載揚載顯期在茲日
以此忍哀齋心遣使儻仲理之來顧庶至誠之上達嗚呼
哀哉尚饗

文苑英華卷第九百八十四

文苑英華卷第九百八十五

祭文八

交舊八

祭劉僕射文一首

祭顏太師文二首

祭袁給事文一首

祭鳳翔張相公文一首

祭李相公文一首

祭福建鄭大夫文一首

祭楊郎中文一首

爲留守鄭侍郎祭僕射文

穆賁

維年月日某官謹遣某乙敢用少年之奠致祭于故尚書
左僕射彭城公之靈巨唐中否八葉嗣興天爲生公爲公
啓運公受天所授事與時并寔爲鄰侯立我王國于時方
夏之內痍傷未平兵餘於人賦倍於產公施以損益權其

重輕自我竭心爲國強力歲歎靡瘠師興忘勞群帥不度
怙兵自擅典章靡及職貢莫脩律我清明徵令如饗疑作
九所辟選府傾時賢若金我礪若玉我琢爾材我器爾用
我功至今會計之司食貨之政法公之法具事集吏公之
吏其利興守公之成揚公之盛孰云公歿吾謂公存嗚呼
何日不夕何榮不落何亢不悔何高不危終沒裔夷九百
稱嘆皇明昭滌丹旒言旋澤及九原魂歸萬里大名備禮
返葬故丘哀哀遺孤銜恤靡至毀隣於滅必復是徵某昔
官南宮嘗參末吏王音如在哀挽長違祇命禁省不敢離
局禮闕執事悲儲永懷敢以精誠寄於祖奠神遠聽邇庶
乎隆歆嗚呼哀哉尚饗

爲淮西宣慰使鄭右丞祭顏太師文 前人

維年月日某使某官某奉勅以清酌庶羞之奠致祭于故
太師贈司徒魯公之靈嗚呼天有晦明人亦理亂當其厄
運則有盜臣至乃憑寵肆兇竊權構逆地吞虎噬擇肉中
州天子思所以解將燎之焚極方割之墊遵開景命銷遏
亂源惟公道冠四朝位先百辟望安社稷名動神祇期以
日照天臨風清雨滌受命以出視途疑如歸嗚呼肇有君
父孰如堯舜臣惟共鯀子亦朱均稟沴而生雖聖勿化父
不能得之於子君不能得之於臣矧夫禍亂之興蓋乘中
否天之方稔公若之何獨立虜庭卒致君命激昂大義潛
革群心全道爲全夭年非夭期頤非壽得死爲終惟彼兇

殘殲我明哲罪均僭逆怒發天人否閉未通鬱翳茲久上
帝厭亂忠臣應期坐使鯨鯢化爲菹醢庸非精爽達于明
神幽贊元勳昭蘇宿憤詔旌大節追冊上公寵以飾終禮
惟加等某肅將密命敷布皇猷慰拊痍傷勞勉忠義拜乎
天闕躬承德音命以觴牢備茲俎豆發於聖旨斯謂馨香
公其降靈歆我明德尚饗

爲留守賈尚書祭顏太師文

前人

維年月日某官某謹以清酌少牢之奠敢昭告于故太師
贈司徒顏公之靈天寶季年幽都首亂生人流血中夏爲
夷公守在一麾援絕千里居鯨之腹而剗其腸履虎之尾
而拊其背率先大義以集中興歷事四君匪躬一致全德

邁俗正詞興邦堯朝孔門兩造其極昇浞間豐東南不關
帝謂師臣予厭征伐往以至化勝其兇殘于時公請老未
獲蓋三年矣曾不俟駕豈公安車惟物之生善惡有性豺
狼太馬罔克相遷天能生之而不能化况彼元惡逆成膏
肅針藥靡攻仁智何及奉命所在顧身如遺柰何明神孤
我積善帝念忠烈國思典刑棟折將壓哲萎安放嗚呼哀
哉昔者仰揖重名遐跋明德邈焉當代如望古今敬今疑
高風感歎大節卓爾不朽凜然如生巨猾殲夷幽魂昭奉
靈車歸路千里同悲未惟忠勳宜在祀典况臨緋紉敢廢
蘋蘩嗚呼哀哉尚饗

爲留守崔尚書祭袁給事文

前人

維年月日某官某謹遣某官某以清酌少牢之奠敬祭于
故給事中汝南公袁三丈之靈昔我烈祖洎公先哲同力
王室惟歡世家俾爲墳麓且秩昭穆殆茲小子恭事丈人
於惟丈人義切師友間氣全德稟之自然資元精之餘和
邁生人之弘致遵周孔之軌躅行天下之直道是用萃厥
孝友發于文儒播乎循良峙以譽謬出納帝命時惟掖垣
政之或虧期不奉詔義之所激挺不顧身寤天聽於未聞
反大號於已出吐群公之所茹垂聖朝之直聲雖霖雨舟
楫之用未躋于位而股肱耳目之任獨冠于時其生也公
相讓德有減文竊位之歎其歿也縉紳相吊有國僑將壓
之懼惟昔遺癘萬心禱天天之愛人宜有所錫如何大運

不即

一作遠

我謀君子於是乎始疑明神而信定命輶車何

所從先公居前有伊川萬古流美某離次是懼臨穴莫從
百身靡追一慟何及哀填意竭式寄蘋蘩嗚呼哀哉尚饗

爲留守鄭侍郎祭鳳翔張相公文 前人

維年月日某遣某官某敢以猘牢之奠昭告于故相國贈
太子太傅張公之靈嗚呼天之不可問也信矣災不避聖
禍不擇賢在昔禹湯寔逢水旱今我堯舜厥有弄泥公如
季路終以結纓蓋君以避狄爲仁臣以死難爲義不朽是
貴全生局榮嗚呼哀哉公性本生知學成全德跡踐教極
心遊聖源始以耕雍終以咎稷取其餘事猶爲龔黃用其
未學亦謂方召若昊天將喪斯民也則不當生德於公

錫公於主既執其柄載行其道方俾我后格于皇天一夫
不獲引以爲咎而奪我靈府移於四支使魚爛自中原燎
斯及主辱臣死誠不在公守位以終是爲不沒明明元首
始喪股肱九百縉紳靡所冠冕伏念平昔交如弟兄同則
塌麓相和異則韋絃迭佩公頃自郎署往蒞東西秦楚相
望音容不隔逮於晚歲又忝倅戎時迫登賢事止中道恩
加前好名在舊賓今寵贈表榮詔葬旌烈官司是繫吊哭
無從泣遣行人哀將菲薄孰云觴豆可盡平生嗚呼哀哉
尚饗

爲留守鄭侍郎祭李相公文

前人

維年月日某官某謹遣某官某以酒酌少年之奠敢昭告

于故相國尚書左僕射贈司空李公之靈惟靈天鍾地
生備五福昔者玄宗之代天下治平時重文儒禮侔齒爵
公始之鴻漸蔚爲羽儀從容主文在帝左右旣而皇家中
否寶曆嗣興明明肅宗康難致理天地交泰聖賢相逢其
所以濟川救旱和羨作醴稽視說命事符古文嗚呼才之
用捨繫乎時道之行否存乎命珪組遺累江湖爲家與協
騷人我無其怨詠歌堯舜二紀忘年皇唐建中天子續服
維新度績先禮舊臣授公成均以舉政本爰降徵命典司
春官先是昆夷不庭歲爲邊患亦旣欵塞願歸聖理帝曰
春秋之義許之不一而足和之五利斯在歷選列辟繫公
簡心資王商之盛容將魏絳之故事公感恩自奮暮齒一作

歲方剛寵茲有昇遵彼絕域俄屬賊臣間豐罕畢在邦公
昭格外夷俾爲內援嗚呼風沙勤瘁共薄頽齡王事畢矣
我勞盡矣僅履吾土亦終天命原夫始終寔盡善美湛恩
縟禮論者宜之至若史氏立言訓辭作誥秘在天府式爲
國經世有五姓冠于百族有如姬姜取貴春秋擢秀天人
惟公而已有司備物返葬故丘觀者哀榮况承眷舊敢憑
奠酌以降明靈尚饗

祭福鄭大夫文

前人

維年月日故吏某官某敢薦薄奠于故福建都團練觀察
處置使福州刺史兼御史大夫鄭公之靈伏惟自天降靈
爲國之楨溥博闕達昭融粹精中和植本體禮敬榮應物

以順逢時中清爰自筮仕之初及乎懸車之期惟天命是
信惟聖言是思德合明神心爲元龜動享黃裳之吉不稽
洪範之疑論交審其始其結也不解用才要其終其報也
不欺仲山吐茹吉甫文武四國羽儀蒸乂父母憶昔高門
照灼寰宇榮冠一時名列三虎我公南遷返旆東土仲也
壯齡相從萬古季兮不幸昔陷于虜忽如嚴霜殞落繁柯
倏爾成空天乎謂何某常以斯文忝膺辟吏載筆如昨攀
車何洎我有甘棠東城桃李悠悠清溪永代流美願託遺
孤以奉恩紀黍稷非馨微誠所至嗚呼哀哉尚饗

祭楊郎史文

許孟容

維貞元十九年歲次癸未四月壬午朔二十二日癸卯給

文苑英華 卷之五十五

事中許孟容吏部郎中李備一作備司封郎中常成季屯田

員外郎穆貞右補闕張惟素京兆府司錄薛丹等繁牢醴

庶羞以祭于兵部郎中楊君之靈大鈞生生陰隲者誰殲

惡輔善胡顛倒之擬聖草玄子雲位卑中庸殆庶回天不

時吾友懋功粹靈天資文為國華行作人師不至公相不

登期願嗚呼昊穹報施云欺交以利合滔滔其衆直義許

心惟君伯仲金石非固韋弦迭用柯葉四時古之所共昔

也三虎季奪天縱今也二龍叔間丘慟甲乙論辨聲聞我

求桂枝崑玉郤氏無儔典校蓬山佐賢戎州渚宮峴首人

賴嘉猷瑤墀記言方冊潤色列宿有耀彌綸皇極昂臣專

征在浚之郊輟我綱轄俾參韃橐元侯歸全符節自朝戎

有伏莽變生中霄呀呀獲噬鄆里流血正直之形豺狼不

啣歸來閑燕望在清切琴史方娛簪裳靡屑抒懷摘藻致

遠詞絕文昌貴即莫最司戎惟是利器簡于宸衷求賢得

人天下至公鴻鵠不翦麒麟在馭九霄咫尺萬里跬步躡

景搏風遏之中路天若可問余徵其故先哲嗣仁藩翰蓋

臣南國之紀洞庭之濱叫呼在聆淚血在巾擗裂酸楚悽

心動神賓階寂寥總帳參差露濕芳樹風淒曲池劍光塵

昏履跡苔滋幽琴憂而無聲王竿盈而不持惟古今之俱

盡悟彭殤之一期留景飡霞兮昔人謂誰隙駒舟壑兮達

者不悲齊脩短於一致必後先之匪移平生理言造次在

茲本懸解之達觀吁坦懷而暫夷哀挽徐出泉臺永閔觴

文苑英華 卷之五十五

七

五匪馨塗芻有位蒼山霧羃表滄波駛紛帷轄之依遲杳
精魂之髣髴匍匐友好伶俜孀稚玉樹春凋文星晝墜士
歎梁木朝嗟國瑞三月徒來百身無異緘惋痛於胃抱孰
哀詞之可旣尚饗

文苑英華卷第九百八十五

文苑英華卷第九百八十六

交舊九

祭文九

祭韋太尉文三首

祭張中丞文二首

祭王員外文一首

祭崔中丞文一首

祭何大夫文一首

祭顓和尚文一首

祭李處士文一首

祭樊司空文一首

祭呂郎中文一首

祭李中明文一首

為劉尚書祭韋太尉文

符載

維年月日某官某祭于某官之靈乾坤瑞氣蒼鬱淳精誕
生碩臣為才為英其體顛昂其神清明大包九德全貫五
行聞望昭宣動榮崢嶸靜專動直淵默雷聲甲子之歲宗

社震驚塵飛四野人弄豆兵公一作在隴州保捍孤城師
徒顛顛凶孽縱橫一發沉機萬夫掃平天維地軸為之不
傾天子報功夫何超越全蜀千里虎旗龍節堅完卒乘延
納賢傑武事雄稜文華昭晰西戎天矯南詔曼絕德惠震
威投心象闕激揚風教提携義烈二十年間沱江澄澈爰
有蠻人驃國彌臣化所未洽古之不馴飲我大誠沛然來
賓遂使皇澤播其無垠奉聖功成樂府聲新一時事業萬
古紛綸實冀昊穹福善與人何豫章之磅礴奄摧落乎青
春嗚呼曩者危疑之際邪臣交構獨秉精誠飛章上奏忠
同折檻詞近及霄昏霧忽清太陽乃晝凄凉陳跡惋毒中
壽志未展於生前寵徒光於身後嗚呼某以薄劣獲事旋
旂猥承國士之顧謬居羣彥之先徬徨授署昧懵機權顧
無能於布政懼取譏於大賢蕭條岐路眇默風煙諒祖莫
之無路瞻壽堂而潸然

為賈常侍祭韋太尉文

前人

至道之世君臣聖明必有賢才為之挺生昭昭我公得一
居貞窺神靈之壺奧涵天地之淳精胸襟洞達方畧縱橫
文房啓而風雅斯在武庫開而禍亂乃平甲子之歲逆泚
變節河海沸騰宗社兀隍孤軍隴上勢窮援絕激臨危之
肝肺成曠世之勳烈帝有寵命擁旄蜀川威聲烜赫德禮
昭宣家有美政人無元賢熙熙穆穆二十餘年機謀內發
英明獨照頓挫西戎經營南詔通驃國之幽阻導彌臣之

叶窳咸屈膝於君王信萬古之榮耀方期驅兵率乘覲謁
帝庭承汪濊之殊澤陳訃謨之大經如何尊重遺茲殞靈
地偃喬岳天沉輔星昨者疾瘳之曰咸望再起頻造屏內
候公動止憂國慷慨請立太子事苟未行歿而後已今上
嗣位人神交喜哀傷大賢不見如此某謬以菲薄監臨此
軍參蕭曹之議論覩伊霍之功勳斐涼門館顧慕風雲非
百身之可贖寄一慟於斯文

爲西川幕府祭韋太尉文

前人

維年月日祭于某官之靈聖曆應數今古同風五百年間
運屬我公長河噴射太華穹崇鬱起生人之表獨棲顯氣
之中往者鯨鯢瀟海波濤洶洶京洛風塵人神震恐公遂

屹立天授智勇斬刈師徒扶持汧隴逆黨顛顛心摧計擁
繇是安危繫之輕重天子報功禮數乃殊旣溼龍節亦執
金吾國之西南寔曰成都夷夏混合山川盤紆苟非哲人
莫啓令圖咨我賢達付之方隅公乃壓坤維以厚德注羣
生以和氣應變參乎杳冥布政歸乎簡易剗風俗之姦窳
平人心之險陂肅貔虎以雲屯禮英髦而磨至蠲萬疴於
藥草新百貸於郵肆綢繆賓客之歡肅穆鬼神之祀補前
人之漏畧極當時之能事道尊而擴俗承風聲烜而殊鄰
慕義信信犬戎背約報仇疆場蠱毒大邦寇讐公動機權
控扼咽喉闢其陬落係其魁酋峨和宰雲大渡橫流伏不
敢動垂二十秋伊昔南蠻嚮化屢奉朝旨將率非良撫綏

失禮興兵戰伐深入邊鄙十萬之師蕩爲癘鬼公以誠往
彼由感起拜新詔於皇都歸舊封於越雋提携桂髻之類
造列青衿之齒驃國之與彌臣伏聯蹤而疊軌臣製樂以
奉聖裁文以叙美考一德之輝光諒有唐而已矣方期五
福之壽享九命之尊至雍熙於宇內相玉帛於天門何至
業之堙鬱逢逝水之迅奔竭涸滄海摧頽崑崙精靈一去
微烈空存嗚呼哀哉錦城秋暮北郊長路寂寞山川蕭疎
草樹雖蘋藻之屢薦終轎車而不駐慟軍府之悲涼增煙
霞之思暮某等俱以孱鈍獲事旌旄庇蓮府之光彩無汗
馬之勲勞戴恩愧厚顧位慙高問沉痛之何有與三江之
滔滔

爲劉尚書祭張中丞文二首

前人

維年月日祭于某官之靈惟靈和粹在躬行方而通瀟洒
囂塵之外翱翔禮樂之中與物大聖推之至公落落賢人
之慶恢恢長者之風學有餘力備功衆藝環壁文章龍蛇
革隸江湖之地東西無際獨負高名聞乎早歲赫赫太師
光鎮此川大啓幕府盡心招延運籌帷幄之內折衝樽俎
之前鬱然時論謂蜀得賢某也不才接武隨肩緬茂三益
周旋十年或朝遊古寺或夜接華筵歡呼醜竿嘯傲風煙
神理無狀忽鍾沉疾顧侶無悰懷仁若失陰深府舍寥落
煙日雖道義不間於同心而語笑每乖乎促席何士林之
凋瘵碎金相與玉質某以懦劣謬司戎律方屬理兵未遑

造室眷言襟契何啻膠漆一面有乖百齡俄戢舊鄉迢遞
素帷蕭瑟望精爽以申哀誠不知涕洟之所出

二

惟靈物四科之要推六藝之先襟懷灑散文翰聯翩寄情
琴酒長嘯風煙有名當世三十餘年誠謂羽翼中朝潤色
王度翔鸞彩鳳翹翼雲路荏苒江海蹉跎晚暮道乃光華
疾成沉痾崇巖絕集作舟壑松摧桂蠹衰茲下泉永寐不寤
某頃同舍周旋後塵肺腸見許筆硯相親顧以孱虛每慕
仁人實冀鄙志於茲大伸柰何昭時奄落窮塵求懷道義
臨風酸辛畫婁柳車白日青春鄉關樹老岷蜀塗新戎事
見羈執縛無因具罇壘以寫意聊寄恨於江濱

為劉尚書祭王員外文

前人

維年月日祭于某官之靈惟靈行業端簡襟期高朗類彼
雲霄萬夫是仰根蟠一德冥入羣象和自中來道非外獎
風儀峻峙神氣森爽清濟橫流蓮峯直上爛爛文章早歲
擅場鏘金扣玉折桂穿楊昔在太師作鎮坤方大啓幕府
聿求賢良君赴招筵價重珪璋賓主之際赫然有光余復
繼來厠接周行契侔金石韻擬笙簧並几聯曹擁闥環廊
紛紜笑謔爛漫壺觴昨著象緯成災禍丁故使門庭倉卒
軍旅沸渭猥蒙遺令俾司留事顧此孱虛實憂殞墜東川
無狀橫相猜忌破表焚牋封山掠騎因得討罪誅其不義
屢犯鋒鏑幾經憂畏天子明察龍旌旋至何事諛才忽膺

重寄告語未接潰瘍已熾畧刻小睽音容未闕如何昊蒼
負此沉意危迫是同歡榮乃異嗚呼哀哉嘗察分切親懿
情備念家道之霜藐若肺腸之焦然位不過郎署壽纔及
中年彼禍淫與福善吾將仰首而呼天一罇酌奠百慮纏
綿惟撫孤之感躅庶幾誠之在一作焉

爲杜相公祭崔中丞文

前人

嗚呼子有四教文行忠信惟公佩服終身不磷惠慈敦厚
溫恭淑慎趨善如流惟賢是進公方可與利用無朕駮騶
絕塵青萍淬刃累參戎府九牧大郡教化諏謀作程垂訓
不躋高位丁此巨疊茫茫上天殲我賢雋嗚呼佑自弱齡
實奉周旋綢繆出處四十餘年昔佐此府周行接聯佑泰

末介公總中權朝整金鑣夕同綺筵揮動醖竿沉吟風煙
對博干場春日秋天氣振耳熱勝負爭前今也冥冥音容
藐然沉思永痛涕泣纏綿嗚呼世且多故權窳茲地苟安
其宅豈靈之意悠悠羸疾浩浩官吏無因執紼遠送幽隧
天寒景淑雲愁鴈思傾一卮以寫哀誠痛百年之未異

祭何大夫文

前人

巖巖泰山羣嶽攸崇公有盛德與之比崇高朗沉深神超
氣融禮樂方外粹和積中顛顛昂昂大人之容天高起鶴
泉深見龍早張雄詞扣玉鏗鏘文場一戰陷敵摧鋒結綏
王畿部局生風拾遺丹階危言匪躬公嘗從事浙西盛府
咨籌畫畧輝光賓主皇帝順符褒梁重阻納貢匍匐達行

在所帝曰首至西方惟汝建社擁旄于鄂之渚自公之來
法舉令行鋤姦剪暴振獨蘇惇疆理封域繕完甲兵十五
餘年夏水潦清德宇弘曠威容光明日翼休時調鼎和羹
嗟此梁棟柰何頽傾一作位竟不來負我蒼生嗚呼載有
蓬戶廬山之曲接連人郡沿洄徃復早獲請謁許布心腹
掩過與能情優禮縉想公振揚清風無鄰律呂翰墨龜龍
縉紳遺我細微合我嘉姻永言感慟破骨傷神嗚呼哀哉
去歲春暮旌旗蒲路眇昧風煙留連草樹前日東亭天光
曉晴金罇玉管芳樹流鶯誰謂累夕幽明遽隔瞬目交臂
遂成古昔心敬無飾詞哀必激寫慟絕於江干疑精靈之
可覲

爲楊廷評祭何大夫文

前人

伏惟尊靈涵清明之氣秉中庸之德事業存乎教化忠厚
形於家國文章根風雅之奧議論探玄聖之域虎視犀額
山立玉色惟公昔年聲譽赫然拾遺補闕丹陛之前天子
思理垂意藩外聿來沔鄂十五餘載浩浩茲邑民繁境大
通至信於豚魚被深仁於幼艾秋霜可畏春日可愛卷風
波於夏水失險阻於西塞嗚呼地有四海候一作公而清
天有三階望公而平昊穹謂何殲我賢明小人君子號呼
震驚嗚呼賓主之道人倫之義情禮所加殺身有地如朗
小子孱愚下位無絕俗之姿寡卓然之異猥辱提引叨居
賢次顧侶之榮撫心多愧頃將重命驅車遠使不憚山川

敢告顛顛昔我往矣龍節煌煌今我來思丹旆悠揚慟哭
江干若摧肺腸儻神理之昭鑒殊辛酸之未火

爲江西李尚侍祭顛和尚文

前人

大方浩浩天高地厚彼上人者空門稱首塵埃三界揮斥
萬有如淨蓮花出泥離垢早歲蜀中師事全公一言悟解
了得真空靈覺內虛妄境外融寶山見月一作寶山見性海無
風某謬以菲薄投心依止周旋瞻仰年踰一紀東洛之濱
湘江之浹晨朝後夜談玄拆理破壞結縛我則用喜甘露
洗心簫韶洞耳一昨猥受朝寄聿來此方撫俗未幾懷仁
不忘師雖無心應物則深尺素紆屈千里相尋纏綿舊故
落迪塵襟窮弊邑之風物暢平生之登臨嗚呼風火劫灰

遷成沉疾睽累旬之晤語謝百靈

疑作

之形質雖真性之

湛然愴尊容之已失荒郊野塔秋晨曉日幡蓋飄蕩香花
蕭瑟竒慘怛於斯文諒悲懷之不一

祭處士李君文

前人

良友三人來自蜀川身棲廬嶽氣屬雲天至寶多脆靈芝
不堅君與王生早落窮泉當時食貧寔禮從權殯宮蕭索
二十餘年在風塵中觸故牽纏每懷曩昔深衷惻然頃亦
有意祇承付託訪君姻族獲歸京洛賢舅緇褐外弟罷弱
實恐歲時遂移舟壑神本尚簡禮貴適時即其故地而寤
窆之衛玠短命伯道無兒千秋拱樹我心傷悲嗚呼吾李
處士已而已而

祭樊司空文

前人

天有神氣地有山川交感網緼實生大賢聰明惠和忠厚
 塞淵體剛法健動直靜專在昔安卑屈宰堯山聿來射策
 懼疑登紫垣異日從容危冠上前以手畫地慷慨論邊道
 合時來舜日堯年纏綿三接奮發九遷帝念和戎公駕輶
 軒詞危氣激張威懾蕃擁旄襄漢建旆荆蠻卒乘完勁勳
 庸昭宣征南當陽芳若蘭荃我有令問與之周旋嗚呼仁
 人在上安危所屬世且多難奪公何速溘然多露壞乎梁
 木望缺三台壽虧五福大誠至信漸人被俗擁杵輟春鄉
 號里哭嗚呼載本諸生器識孱愚猥辱拂拭化珉為瑜昔
 歲渚宮灌涸濡沾前年南擁顧重禮殊將致賓僚將貢

都感念厚意使人捐軀漢水之陽岷山之隅千乘曄曄旦
 夕陪趨秋景沉寥春華芳敷瀾漫醖竿婁鏘笙竿拜首節
 旄將去踟躕吟嘯叙什丁寧匡廬星霜未周幽顯異途神
 歸蒼昊魄散黃墟明明知音今也其孤仰天涕下被臆交
 孺嗚呼舊山之下石田踈惡智昧經營食無藜藿歲時淹
 久情禮漏畧瞻望壽堂脾酸肺一作肺削驅策輿隸匍匐宛
 洛清酒隻鷄中疑作中哀獻恪涼風白露帷帳蕭索門戟朝
 開井桐夜落生芻一束意不為薄寫慟絕於精靈冀斯文
 之可託

祭呂郎中文

集作祭呂
衡州温文

柳宗元

維元和六年歲次辛卯九月癸巳朔文粹作八
月癸亥朔某日友人

守永州司馬員外置同正員柳宗元謹遣書吏同曹家人

襄兒以集作清酌庶羞之奠敬祭于吕八兄化光之靈嗚

呼天乎君子何厲天實仇之生人何罪天實讐之聰明正

直行為君子天則必速其死道德仁義志存生人天則必

夭其身吾固知蒼蒼之無知集作冥冥文粹作漠漠之無

神今於化光之歿怨文粹逾深而毒愈集作甚故復呼天

又云云天乎痛哉堯舜之道至大以簡仲尼之文至幽以

默千載紛爭或失或得二本乎吾兄獨取其真二本貫

乎化始與道咸極推而下之法度不惑旁而肆之中和允

塞道大藝備斯為全德而官止刺一州年不逾肆文粹十

佐王之志没而不立豈非脩文粹正直以召災好仁義以

速咎文粹者耶宗元少二本雖好學晚未聞道文粹作來

洎乎獲友君一作子乃知識集作於中庸削去邪雜顯彰

二本直正而為道不謬吾兄二本使然嗚呼積乎中不

必施於外裕乎古不必諧於今二事相兼二本從古至少

至於化光最為太甚理行第一尚非所長文章過人畧而

不有夙志所著文粹巍然可知貪愚皆貴險狠皆老則化

化之天厄反不榮歟所慟者志不得行功不得施蚩蚩之

民不被化光之德庸庸之俗不知化光之心此言一出內

若焚裂海內甚廣知者集作幾人自友朋凋喪志業殆絕

惟望化光伸其宏畧震耀昌大與行於時德使斯人二本

徒斯人知我所立今復往矣吾道窮二本矣雖其大二本者

志亦死矣臨江大哭萬事已矣窮天之英文粹貫古之識

一朝去矣二本又一本復何適嗚呼化光化光今集有後字何

為乎止乎行乎昧乎明乎豈蕩而為大空與化無窮乎將

結而為光耀以助照臨乎將二本為雨為露以澤下土乎

將為雷為霆以泄怨怒乎豈為鳳為麟為景星為慶二本

雲以寓其神乎將為金為錫為珪為璧以棲其魄乎豈復

為賢人以續其志乎將奮為明神以遂其義乎不然是昭

昭者其得已乎其不得已乎抑有知乎其無知乎彼且有

知其可使吾知之乎幽明茫然一慟腸絕嗚呼化光度或

文粹聽之尚饗

祭李申明文

前人

維年月日柳某謹以清酌庶羞之奠致祭于亡友申明之

靈夫子之道邈以恒兮夫子之志勵以兢兮求中以謙二

集本末若履水兮敦仁以孝實烝烝兮雖一作毀無虧禮

莫微兮集作惟毀死虧秉端守一信厥朋集作兮月踰歲

長行若登兮外温其顏内類直繩兮謾言來加不遽陵兮

舉世羣非自視弘兮庶優游於道大賚是承兮掩寬舒抑

與類升兮胡茫茫而集作不信卒以禍仍兮豈韜忠哀集

注作秉信鬼所憎兮將教言吾欺終不可徵兮吾方冀子

于暮翼有興兮今而棄余志若崩兮若將援而止喪厥肱

兮怛而集作殞心交背膺兮水之綿綿山萬層兮又滢以

雨雪紆委礪礪兮鷓鴣夜號集作羣瞑凝兮意思柳州本

作鬼

文苑英華卷第九百八十六
以行中道凌兢兮眊眊焉可憑兮聊致吾慎集作斯
言孰稱兮

文苑英華卷第九百八十六

文苑英華卷第九百八十七

祭文十

交舊十

祭崔使君簡文一首

祭崔使君神樞歸上都文一首

祭崔使君敏文一首

為崔侍御祭穆員外文一首

祭李柳州文一首

祭太常裴少卿文一首

祭薛中丞文一首

祭虞部張員外文一首

祭亡友柳子厚文一首

祭張給事徹文一首

祭竇司業文一首

祭馬僕射惣文一首

祭柳州柳員外文一首

祭

集有姊夫二字

崔使君簡文

柳宗元

某年月日某謹以清酌庶羞之奠祭于永州刺史博陵崔

君

集作公

之靈天之生人或哲或愚君取其英爰輝

集作耀

于

初譽動京師

集作邑

施于方隅密勿書奏元侯是俞蜀寇內

侮禍連羗髻君出顯畫披攘其徒南平劔門西獲戎俘超

受刑曹留守

集作惣

南都移刺連部下民其蘇道不可常病

惑中途悍石是餌元精以渝雷謗爰興按驗增誰始雖進

律終以論辜溟海浩浩而君是踰崇

集作高

山茫茫而君是

居厥弟抗憤叫于天

集作康

衢天子憫焉訊以文書御史既

斥連師是除期復中壤遽淪別區喪還大浸又溺二孤痛

毒荐仍振古所無何適

讀作適

于天降此剪屠柩不及歸寓

葬荒墟將葺將就誓還里閭嗚呼君之子姓惟自我出母

儀既虧父訓又失煢煢相視撫悼增恤咸冀其才以大家

室惟昔與今

集作君

年殊志疋晝諮夕討期正文律實契師

友豈伊親暱

集作暱

誰謂斯人變易成疾良志莫踐乖離未

訣

集作說

嗚呼朶山之西湘水之東殞紉以出斧屋爰封神

非久留息駕于中書石為誌世德斯崇拜首以酌出涕無

窮

集作予與以酌涕出焉窮

祭崔使君神柩歸上都文

前人

嘻乎崔公之柩嘻乎崔公楚之南其土不可以室或坳而

頽或塌而萃陰流

一作沉

泄漏濺沒渝溢碩鼠大蟻傍穿側

出虧踈脆薄父乃自室不如君之鄉或堅或密嘻乎崔公

楚之南其鬼不可與友踪矣佻險睽神欺苟胙賤暗胷輕
囂 一作 妄走不思已類好事群醜不如君之鄉式和且偶
日月甚良子姓甚勤具是舟輦寧君之神去爾夷方返爾
故隣奔奔其歸宜樂且忻君死而還我生而留未矣殊世
曷從之遊酌觴于座與涕俱流

祭崔使君敏文

前人

夫產崑崙者難為王植鄧林者難為木公以令望顯于華
族藝邃六書學該七錄耽此黃老恬於寵辱入補黑衣出
參甸服紀綱淮海政令維肅宰制岳濱周於仁育儲闈典
議直清攸屬久次推能二州繼牧至于是邦率由舊俗和
易勿亟優游自足既有小 集作 吏亦勤 集作 庶獄妖誣珍

陰淫祠剪覆出令三歲人無怨讟進律未行歸神何速其
咸以罪戾謫茲炎方公垂惠和枯槁以光鳴鸞適野泛鷁
沿湘廣筵命樂華燭飛觴高歌屢舞終以無荒紛慮斯屏
憂懷暫忘良時不再斯樂難常今其柰何顧慕增 集作 傷
嗚呼哀哉室有迭去川無息流追懷曩晨恍若夢遊奠撤
集作 中寢魂遷葉 集作 舟邦人未思匍匐隱憂况我懷德
心焉若抽潔誠可鑒蘋藻非羞

為崔侍御祭穆員外文

韓愈

維年月日故人博陵崔愬謹以清酌之奠祭于亡友穆六
端公之靈於乎建中之初予居于嵩携扶北奔 集注 避盜
來攻晨及洛師相遇一時顧我無 集作 如故睠然顧之子有

令聞我來自山之子峻明我鈍而頑道實集作云異誰從

知我我思其厚不知其可集注作不於後八年君從杜侯

我時在洛亦應其招留守無事多君子察罔有疑忌惟其

嬉遊草生之春鳥鳴之朝我轡在手君揚其鑣君居其集注

作復我室我既來即或以味集作歌或以偃側誨余以義我

復集註作以誠終日以蜀本語無非德聲主人信諛有感

其下殺人無罪誣以成過入救不從反以為禍赫赫有聞

王命三司察我于欲相從係縲直一作生何蜀本樂曲死

何蜀本悲上懷王人蜀本作內閔抗本其私進退之難君

集作居處之宜既釋于囚我來徐州道之悠悠思君為憂我

如京師君居父喪哭泣而拜言辭不通我歸自西君反吉

服晤言無他往復其昔不日而違使集作重我心惻自後

聞君母喪是丁痛毒之懷六年以并集注孰云孝子而殞

厥靈今我之至入門失集作聲酒肉在前君胡不食升君

之牀集作不與我言嗚呼死矣何日來還

祭李柳州文

前人

維元和元年歲次景戌二月乙未朔二十四日戊午將仕

郎守江陵府法曹叅軍韓愈謹以清酌庶羞之奠敬祭于

故柳州李使君負外二集作兄之靈古語有之白頭如新

傾蓋若舊顧意氣之何如何集作日時之足究當貞元之

癸未一作惕皇威而左授伏荒炎之下邑嗟名類而位什

歷貴部而西邁邇清光於集註暫覲言莫集作交而情無

由既不賈而奚售哀窮退

集作荒

之無圖掣

集作掣

百憂以

集註

作而自副辱問訊之綢繆常

集作恒

飽饑而愈夜接雄詞於章

句窺逸跡於篆籀苞黃耳而致貽

一作辭

獲筆紙之雙貿投

義魚之短韻愧韜瑕而舉秀俟新命於衡陽費薪芻於館

侯空大亭以見處憇水木之幽茂逞英心於縱博沃煩腸

於

集註

清酌航北湖之空明覩鱗介之驚透宴州樓之豁

達衆管啾

集作秋非

而並奏得恩惠於新知脫窻

集作窮

愁於往

陋輟行謀於俄頃見秋月之三穀逮天書之下降猶低迴

以宿留念睽離之在期謂此會之難又援

集作授

縞紵以託

心示茲誠之不謬儻後日之北遷約窮歡於一晝雖掾奉

之酸寒要拔貧而爲富何人生之難信指

集作捐

斯言而莫

就始訝信而

一作於

暫踈遂承

集作成

凶於不救見銘旌之

昂尚遲疑於別袖憶交酬而迭舞奠單杯而哭柩美夫君

之爲政不撓

一作憊

志於讒構遭唇舌之紛羅獨凌晨而孤

雖彼儉人之浮言雖百年

一作車

其何詬洞徃古而高觀固

邪正之相寇幸竊覩其始終敢不明白而蔽覆神乎來哉

辭以爲侑尚饗

祭太常裴少卿文

前人

維元和九

一作元非

年給事中李逢吉給事中孟簡吏部侍郎

張惟素吏部侍郎張賈比部郎中史館脩撰韓愈等謹以

庶羞清酌之奠致祭于太常裴二十一兄之靈朝廷之重

莫過乎禮雖經策具存而精通蓋寡自郊丘故事宗廟時

文苑英華 卷之四十五 祭文 五

宜大君之所旁求丞相之所卒問群儒拱手宗祝醉心兄
皆指陳根源斟酌通變罔不允符天旨克協神休至于公
卿冠婚士庶喪祭疑皆響答問必實歸從我者定集作爲
軌儀異我者無逃指笑動爲時法言比集作古經獨立一
朝高示千古而又驅馳朋執僂俛宗親擔石之儲常空於
私室方丈之食每盛於賓筵贈必固辭求無不應孰云具
美而不末年愈等早接遊從實欽道義致誠薄奠以訣終
天嗚呼哀哉尚饗

祭薛中丞文

同李逢吉
孟簡等

前人

維元和九

一作元非

年歲次甲午閏八月乙巳朔十五日巳未

某官某乙等謹以清酌庶羞之奠祭于亡友故御史中丞

贈刑部侍郎薛公之靈公之懿德茂行可以勵俗清文敏
識足以發身宗族稱其孝慈友朋歸其信義累升科第亟
踐班行左掖南臺共傳故事詩人墨客爭諷新篇羽儀朝
廷輝映中外長途方騁大限俄窮聖上軫不憖之悲具寮
興云亡之歎况某等忘言斯久知我俱深青春之遊白首
相失來陳薄奠詎盡哀誠嗚呼哀哉尚饗

祭虞部張員外季友文

前人

維元和十年月日中書舍人王涯考功郎中知制誥韓愈
禮部侍郎崔群京兆尹許季同考功員外郎庾承宣河中
節度判官殿中侍御史邢冊等謹以清酌庶羞之奠敬祭
于亡友張十三員外之靈嗚呼往在貞元俱從賓薦司我

明試時維邦彥各以文售幸皆少年群遊旅宿其歡甚焉
出言無尤有獲同喜他年諸人莫有能比倏忽逮今二十
餘歲存皆衰白半亦辭世外纏公事內迫家私中宵興歎
無復昔時如何今日集註作於今又失夫子懿德柔聲永絕心
耳廬親之墓終喪乃歸伴集作陽瘖避職妻子不知分司憲
臺風紀由振遂遷司虞以播華問不能老壽孰究其因託
嗣於宗天維不仁酒食備設靈其降止論德叔情以視諸
誅哀哉尚饗

祭亡友柳子厚文

前人

維元和十五年歲次庚子五月壬寅朔五景午韓愈謹
以清酌庶羞之奠敬祭于亡友柳君集本唐文粹無君字子厚之靈

嗟嗟子厚而至然耶自古莫不然我又何嗟人之生世如

夢一覺其間利害竟亦何校當其夢時有樂有悲及其既

覺豈足追惟凡物之生不願為杭本作謂材犧樽青黃乃木之

災子之中棄天脫馬羈玉佩瓊琚大放厥詞富貴無能磨

滅誰紀子之自著表表愈偉不善為斲血指汗顏巧匠旁

觀縮手袖間子之文章而不用世乃今吾徒掌帝之制子

之祝人自以無前一斥不復群飛刺天嗟嗟子厚今有今

亡一作今臨絕之音一何琅琅徧告諸友而二本以寄厥子

不鄙謂余亦託以死凡今之交觀勢厚薄余豈可保能承

子託非我知子子實命我猶有鬼神寧集註作子文粹作弗敢遺墮

念子未歸無復來期設祭棺前矢心以辭嗚呼哀哉尚饗

祭張給事徹文

前人

維年月日兵部侍郎韓愈謹以清酌之奠祭于故殿中侍
 御史贈給事中張君之靈惟君之先以儒名家逮君皇考
 再振厥華鄉舉集作貢進秀有司第之從事元戎謹職以治
 遂拜郎官以職王憲不長其年飛不盡翰乃生給事松貞
 王剛幹父之業纂文有光屢辟侯府亦佐梁師前人是似
 耄吏嗟咨御史闕人奪之於朝大厦之構斧斤未操府遷
 幽都頑悖未孚繫君之賴乃奏乞留乃遷殿中朱衣象服
集作板是惟義之趨豈利之踐虺豺發豐闔府屠割集作剝償其
 恨犯君獨高脫露刀成林弓矢攘攘千萬為徒噪謹為狂
 君獨叱之上不負汝為此不祥將死無所雖愚無知慚屈

變色秉

集作君

義不辱殺身就德天子嘉之贈官近侍歸於

一死萬古是記我之從女為君之配君於其家行實高世

無所於

集作掩

葬與

集註作與

魂東歸誅以贈之莫知我哀嗚呼

哀哉尚饗

祭竇司業年文

前人

維年月日兵部侍郎韓愈謹以清酌庶羞之奠祭于故國
 子司業竇君二兄之靈惟君文行夙成有聲江東魁然厚
 重長者之風一舉於鄉遂收厥功屢佐大邦表本作侯以調兵
 戎詔曰予虞汝為郎中乃令洛陽歲且四終維刑之慎掌
 正隸僮命守高平命副集作制儒宮朱衣銀魚象服以崇錫
 榮考妣孝道上窮官不滿能亦云達通逾七望八年孰非

公蜀本作踰七八年孰非望公非在君無憾我意不克君之昆弟三以詞

雄刺史郎官集作中四繼三同於士大夫可謂顯融我之獲

見實自童蒙既受誘勸集作既在麻之蓬自視鷓鷯望君

飛鴻四十餘年事半如夢集作四十年餘事如夢中分宰河洛愧立並

躬俱苦集作官於學以織臨洪惠詩不酌報德以空死生莫

接孰明余集作我衷於祭告情文以自攻嗚呼哀哉尚饗

祭馬僕射惣文

前人

維年月日吏部侍郎韓愈謹以清酌庶羞之奠敬祭于故

僕射馬公十二兄之靈惟公弘大温恭全然德備天故生

之其必有意將明將昌實艱初試佐戎滑臺斥由尹寺適

彼既閩飢飢跋蹟一作顛而不跋乃得其地于泉于慶

幸郡符遂殿交州抗節番禹去其螭蠹蠻越大蘇擢亞秋

官朝得碩士人謂其崇我勢始起東征淮蔡相臣是使公

兼邦憲以副經紀殲彼大魁厥勳孰似蜀本作以丞相歸治

長蔡師茫茫黍稷昔實棘茨鳩鳴雀乳不見梟頤惟蔡及

許舊為血仇命公并侯耕借之牛束其弓矢禮讓優優始

誅鄆戎厥疆集作墟腥臊公往滌之茲惟樂郊惟東有猗惟

西有虺顛覆朋鄰我餘有幾律率中居斬其脊尾岱定河

安惟公之躋帝念厥功還公于朝昇蜀本作陟于地官且長百

寮度彼四方孰樂可據顧瞻衡鈞蜀本作鈞衡將舉以付惟公

積勤以疾以憂及其歸時當謝之秋賀問李剛本作門未歸弔

廬已萃未燕于堂已哭于次昔我及公實同危事且死且

生誓莫捐棄歸來握手曾不三四曾不濡翰酬酢文字曾
不醉飽以勸酒載奠以叙哀其何能致嗚呼哀哉尚饗

祭柳州柳員外文

崔群

惟靈天資秀異才稱雋傑早著嘉名遠播芳烈惣六藝之
要妙踐九流之治切鏌鉞鋒利浮雲可決騏驥逸步飛塵
可絕閉匣不用伏櫪何施才命罕并今古同悲五嶺三湘
寒暑潛推樂道忘憂襟靈甚夷揆藻揮毫騫翔是期柰何
終否神也我欺嗚呼鵬飛半空羊角中戾彼蒼難詰善人
斯逝群宿受交分行敦情契遺文在篋贈言猶佩撫孤追
往泫然流涕予予丹旒翩翩素帷鵬弔是月龜從有時路
出長阡將赴京師旨酒一觴哭君江湄往矣子厚魂期來

斯尚饗

文苑英華卷第九百八十七

文苑英華卷第九百八十八

祭文十一

交舊十一

祭柳員外文二首

祭吏部韓侍郎文一首

祭劉巡官文一首

祭座主兵部尚書顧公文一首

祭清河李少尹文一首 祭韓令公文一首

祭豐州李大夫文一首 祭李侍郎文一首

祭中書常相公文一首 祭李司徒文一首

祭柳員外文

劉禹錫

維元和十五年歲次庚子正月戊戌朔日孤子劉禹錫銜
哀扶力謹遣所使黃萐具清酌庶羞之奠敬祭于亡友

柳君之靈嗚呼子厚我有一言君其聞否惟君平昔聰明
絕人今雖化去夫豈無物意君所死乃形質耳魂氣何託
聽余哀詞嗚呼痛哉嗟余不天甫遭閔凶未離所部三使
來弔憂我哀病論集作以苦言情深禮至款密重復期於
集作中路更申願言途次衡陽云有柳使謂承集作前約
忽承訃書驚號大叫如得狂病良久問故百哀攻中涕洟
迸落魂魄震起集作伸紙窮竟得君遺書絕絃之音悽愴
徹骨初託遺嗣故集作其不孤末言歸轡從祔先域凡此
數事職在吾徒永言素交居多遠鄂渚差近表臣分深
想其間計心勇於義已命所使持書徑行友道尚終當所
集作加厚退之承命改牧宜陽亦馳一函候於便道勒石

垂後屬于伊人安平宣英會有還使悉已如禮形於冥游

作書嗚呼子厚此是何事朋友凋落從古所悲不圖此言

乃為君發自君失意沉伏遠郡近遇國士方伸眉頭亦見

遺學集作恭辭舊府志氣相感心踰常倫顧余負豐營奉

方重集作猶冀前路望君銘旌古之達人朋友製蜀本服

今有所厭其禮莫伸朝晡臨後出就別次南望桂水哭我

故人孰云宿草此慟何極嗚呼子厚卿其死矣終我此生

無相見矣何人不達使君終否何人不老使人夭死皇天

后土胡寧忍此知悲無益柰恨無已子之不聞余心不理

含酸執筆輒伸復集作止誓使周六同於已子魂今來斯

知我深旨嗚呼哀哉尚饗

為鄂州李大夫祭柳員外文 前人

嗚呼至人以在生為傳舍以軒冕為儻來達於理者未嘗
惑此昔余與君論之詳熟孔氏四科罕能相備惟公特立
秀出幾於全器才之何豐運之何否大川未濟乃失巨艦
長途始半而喪良驥縉紳之倫孰不墮淚昔者與君交臂
相得一言一笑未始有極馳聲日下驚名天衢射策差池
高科齊驅携手書殿分曹藍曲心志諧同追歡相續或秋
月銜觴或春日馳轂旬服載暮同升憲府察視之列斯焉
接武君遷外郎予侍內闈出處雖間音塵不虧勢變時移
遭罹多故中復賜環上京良遇曾不踰月君又即路遠持
郡符柳江之孺居陋行道疲人歌焉予來夏口忽復三年
離索則久音貺屢傳篋盈草隸架滿文篇鍾索繼美班揚
差肩賈誼賦鵬屈原問天自古有死奚論後先痛君未老
美志莫宣邇邇世路奄忽下泉嗚呼哀哉令妻早謝穉子
四歲天喪斯文而君未逝翩翩丹旆來自遐裔聞君旅視
既及岳陽寢門一慟貫裂衷腸執紼禮垂出疆路阻故人
奠觴莫克親舉馳神假夢冀獲寢語平生密懷願君遣土
遺孤之才與不才敢同已子之相許嗚呼哀哉尚饗

祭吏部韓侍郎文

李翱

嗚呼孔氏云集作去遠揚朱恣行孟軻拒之乃壞于成戎風
混華異學魁橫兄常辯之孔道益明建武以還文卑質喪
氣萎體敗剝剝不讓儷花闌葉顛倒相上及兄之為思動

鬼神撥去其華得其本根文粹作開合恠駭驅濤湧雲包劉

越羸並武同殷六經之風絕而復新學者有歸大變于文

兄之仕官文粹作官罔辭於艱文粹作難疏奏輒斥去而復遷集作

還升黜不改正言亟聞貞元十二兄在汴州我遊自徐始

得兄交視我無能待予以友講文拆道為益之厚二十九

年不知其久兄以疾休我病臥室三來視我笑語集作窮

日何荒不耕會之以一人心樂生皆惡言凶兄之在病則

齊其終順化以盡靡憾文粹作惑于中別我集作欲別千古意如不

窮臨喪大號決裂肝腎老聃言壽死而不亡兄名之垂星

斗之光我狀兄行下于太常聲殫天地誰云不長喪車之

來集作來東我刺廬江君命有嚴不見兄喪遣使奠學百酸攪

勝音容若在曷日而忘嗚呼哀哉尚饗

祭劉巡官文

前人

維元和七年歲次壬辰九月景辰朔十五日庚午觀察判

官攝監察御史李翱等謹以清酌庶羞之奠敬祭于劉君

之靈我等與君同列賓筵共食偕行歲辰再遷公事多暇

嬉遊自般柳垂於集作于塘荷秀于川或泛在水或祭在山

歌京本酒終夜觴觶往還笑言無虛咸盡其歡君實強盛

時惟壯年宜哉壽考福祿來臻奈何遭疫集作疾針藥弗痊

日冀返初憂危遽傳長路未極琴書忽捐嗚呼哀哉堂有

老母室有少妻幼男稚女蜀本作幼或童或孩發聲怨切

弔者酸悽祔葬舊城隨喪以歸已矣劉君自古如斯有肉

一豆有酒一蜀本卮我來告一作集作別去去長辭嗚呼哀哉

尚饗

祭座主故兵部尚書顧公文

呂溫集無

維貞元十年歲次甲申月日門生侍御史王播監察御史
劉禹錫陳諷柳宗元左拾遺呂溫李逢吉右拾遺盧元輔
劍南西川觀察支使李正叔萬年縣主簿談元茂集賢殿
校書郎王啓秘書省校書郎李建京兆府文學李逢渭南
縣尉席夔鄂縣尉張隸初奉禮郎獨孤郁協律郎蕭節奉
禮郎時元佐滎陽主簿李宗衡前鄉貢進士鄭素等謹以
清酌之奠祭于座主故兵部尚書東都留守顧公之靈哉
我靈山時雨將洩耽耽大厦崇構已設歲旱方極川流遷

閱宏棟待施梁木斯折王碎清瑩芝焚酷烈貞芳獨留千
古不滅嗚呼哀哉伏惟公神氣輔質天降英靈剛健中正
內外和明岐嶷之初不教而成敦敏之後確然已貞霽霽
孤雲逸我高情昭昭白日懸我明誠志勵義深心融氣清
靖若翔隼藹如芳英於乎立人成身忠孝一美自古全者
一人而已明君得臣賢父知子公獨兼備敢陳終始厥初
知禮嚴訓柔順義方年未逾中道行于鄉盈庭之戲衆稚
且狂觴管在身我獨矜莊沐浴風雨盥漱雪霜未薦甘旨
未敢衣裳斯惟至性厥有大孝乃揚儒風乃奉文教服勤
之功煥飾之効金石成聲緝麗開照越國山秀吳門水深
句曲宵朗湘沅夕陰怡神導和滌思凝心棄我奇寶鏗然

至音天寶季年羯胡內侵翰苑詞人播遷江潯金陵會稽
文士成林啗銜爭馳聲美共尋損益褒貶一言千金洙泗
之風弊而侵淫我乃閉關響絕光沉藏輝必發含章以俟
蛟龍得雲平陸騁驚人或妙用我蘊成器人矜諛聞我愚
大智聿來膠庠厚此淳懿鄉選或兢我則無愧芳桂盈手
青霄坐致春從王畿冬踐郎吏危險立則一作績艱難見志
諫草焚灰絲綸深秘命官儲賢有國大備至公苟在淳化
不墜翰選精重睿思虔志繫於安危弘此教義我雖受命
求人報天工惟選藝器必搜賢松菊有烈薰猶在前妍蚩
自分衡鏡高懸潛符希夷化若神仙道貫品類心真陶埴
歸吾至精復命上玄物不可棄道由爾全毛翔鸞鳳殼

龜蟬萬類俱適三清晏然伊昔仲尼其徒三千命不可求
文實在焉微言僅存正氣莫宣用苟登席希徒執鞭曷如
清時文柄克專髦彥必舉典謨備甄中侍六載內朝十年
三司秋賦五掌春銓翼翼京師教化之先肅恭誠敬昭彰
可傳在昔成周左伊右瀍乃命保釐撫我三川資仁感義
與道周旋煥乎成功疑若崇巔乃飾兵車兵利革堅乃脩
農畝闢隴開阡榛穢荒蕪化爲良田汗秦溝瀆流爲清泉
忠至誠達思焦身捐醴其必竭膏明乃然嗚呼哀哉駟騎
霄馳皇慈中激后復真質臯還魂魄新命簫鼓舊原松柏
陵谷可移德音不易嗚呼哀一作痛哉播等接自諸生昇爲
王賓念必期於霄漢手親擢其泥塵播管再忝於科第始

一命於朝倫感自衷於誠接權自己而情均或負知於一
紀或登用於數旬恨俱長而各異哀靡極而寧伸九在京
兆一十九人四忝御史三爲諫臣孔門有光游夏脩身遠
莫雖設用茲慰神馨香可薦醪醴方陳歔歔相從列拜斯
文伏惟尚饗

祭河南李少尹文

沈亞之

維長慶四年五月十七日福建等州團練副使沈亞之謹
遣部集作郡吏李權奉酒殺之奠敬祭于故河南少尹李公
之靈夫哲智之達塞兮繫其時之難集作艱通故孔子厄而
周公隆管遇齊而卒業賈遭漢而不終嗚呼哀哉古昔所
集作何思所思惟時謨不我進綱不我維民不得濟道安集

不得施雖富且貴夫何用爲夫子之道沒矣今將遺誰卷
清明之特達歸壤屢而藏之哀哉尚饗

爲韓尹祭韓令公文

前人

澤梁宋之戎郊涵雄渾於雲水陶沉毅以集作與濃剛作耽

耽集作耽之巨士綿將流於先故集作洪光鼓神濤之在已昔丞

相之東征統梁城之千雉命賓余以掌檄蹤枝馬之遺美

見公佩之橫腰冠衙旗於宋壘及夷門之節臥余奉歸于

故里寧後者之無當鴻集作顛狂埃之勃起司馬啖而賓徒

烹血肉肆而爲市何繼師之無作始公之功由是伏豺豹

於神視遂寧清乎千里聞君書於天閣帝嘉悅而忘耻嘗

叙族以姪余謂同源於康子言康樂於一方竟綿歷乎再

紀廩蓄衆

集作粟

以億計積有餘而流委擬甲馬之萬銜惟

君王之所指撲淮童與齊蠶猶烹冰以燎蒿想

集作視

燕趙

之強侯若負坭之群蟻彼承風其如何聞當飯而遺七乃

集作及

柱天而轍日信博壯之可倚逢諒陰

集作間

之初晨遂

踐阼而為治推轂兮昇壇河橋兮廊時恩光被以湛稠仍

分疆以及嗣遵比

集作往

年之來覲見差班於父子復何殃

之不造遽相追而沒齒榮華之不道兮候云乎已矣悼皇

情以注想每凝旒而撫宸錫祕物之必周余將

集作得

命為

臨視還壤屢之將駕導清笳於哀徵鑒卑志之累恭願降

欽而省此嗚呼哀哉尚饗

祭豐州李大夫十八丈文

令狐楚

嗚呼齟齬之年獲見大夫自以成器異於群倫自降而遷

垂三十春服義懷德遠而逾親靈州不協坐謫三楚退服

徂征高館晤語謂天之道正直是與捧手欲辭以心相許

群后抗疏頌

疑作訟

公無辜羽林森森天授兵符適值南還

穎耀神都風天雪夜買酒相呼帝命并土喜公為副令尹

是毗賢王是輔嗟我小子此焉婚娶贄幣既求酒牢亦具

河外西城振胡鎖戎詔遷大夫開府其中平生相知招我

以弓竟逼方寸不能從公自此違奉無由詰謁絡繹篇章

綢繆書札不聞嬰疾不得留訣倉卒一辭寂寞長別嗚呼

哀哉惟先將軍有庸有勳及公嗣興武不害文義分如霜

志氣干雲頭蓬面垢報國事君土田未封旄鉞未受天寶

福善神明為咎埋沒黃沙摧殘白首雖以瞑目豈能鉗口
孤旄翩翩反葬秦川經過故府悵望新阡魂氣何之音容
悄然攀轅薦奠苦淡潺湲

祭李侍郎文

白居易

維長慶元年歲次辛丑五月景申朔十日乙巳翰林學士

守中書舍人

集作中散大夫守中書舍人翰林學士上柱國賜紫金魚袋

元稹朝議郎

守尚書主客郎中知制誥白居易謹以清酌庶羞之奠敬

祭于故刑部侍郎贈工部尚書隴西李公杓直之靈於戲

代重名義公能佩服德潤行羶彬彬

集作温温

郁郁凡嚮善者

如蟻慕肉時重爵位公負楨幹天官是攝司寇是贊

集作春秋

天官是攝是贊

尚書六職公理其半朝重文翰公掌詔令西閣絲

言內庭密命公實出入迭操二柄家重隆盛公暨陳許兩

掖中臺差肩接武青幢赤第叔出季處門重婚嗣公娶令

族鎗鎗振振和鳴以續男女七人五珠二玉年重壽考公

亦云老心雖壯健髮已華皓五十加八亦不為天人重康

寧公體豐盈迨乎奄忽不失和平啓手足夜無呻吟聲古

稱五福公有七福凡人得一死猶瞑目矧公兼之豈有不

足所不足者不在公

集作共

身快快惻惻其在他人為門戶

惜主為骨肉惜親為吾儕惜良友為朝廷惜賢臣况稹也

不才居易無似辱與公遊十九年矣昔貞元年

集作歲

俱初

筮仕並命同官蘭臺令史以公明達以我頑鄙度長挈

集作

索能信非倫擬一言膈

京本作膈

合不知所以莫逆之交實

集作

貴從茲始聞登清近集作清迺罹謗毀江澧通州左遷萬

里或合或散一伏一倚浩浩世途是非同軌齒牙相軋波

瀾四起公獨何人心如止水風雨如晦鷄鳴不已不因紛

阻孰辨君子以膠投漆如弧有矢所以綢繆見于生死前

年去年次第徵還或先或後俱到長安水流火就松茂栢

懼置酒欲飲握手何言初論瘡癘次叙艱難三心六眼同

一潸然積與居易旋登禁掖公領銓衡職勤務劇私室多

故公門少隙歡會實稀光陰虛擲互相勸勉急務勸適且

曰朱顏已去白日可惜花時集作寺春朝松園月夕大開口

笑滿酌酒喫言約則然心期未獲嗚呼杓直而忍我遺棄

我何處集作處捨我何之豈及真歸寂寞然而無所為將精

多魄集作魂強的然而有所知恍如聞兮倏如覩未其心於

永辭彼有靈今此有夢胡不一來兮質我疑逝川渺其不

回日月忽乎有時指岐下以歸柩備大葬之威儀禮有進

而無退祖於庭而送於京本畿旌竿舉兮轎輪動遂不得

少留乎京師嗚呼杓直其鑒于茲爵盈不飲豆乾不食如

之何勿思公兒號我公馬嘶我如之何勿悲嗚呼杓直已

而已而哀哉尚饗

祭中書常相公文

前人

維大和三年歲次己酉六月乙酉朔三十日戊寅中大夫

守太子賓客分司東都上柱國晉陽縣開國男食邑三百

戶賜紫金魚袋白居易謹以茶果之奠敬祭于故中書侍

郎平章事贈司空肅公德載惟公忠貞大節輔弼嘉譽倚
注深恩哀榮盛禮伏見冊贈制中已詳惟公世祿官業家
行士風茂學清詞冲襟弘度伏見碑誌文中已詳此不重
書但申夙願公佩服世教棲心空門外為君子儒內脩菩
薩行嘗集作常接餘論許追高蹤元和中出守開忠二郡日
公先以喻金鑛偈相問徃復再三繇是法要心期始相會
合長慶初俱為中書舍人日尋詣普濟寺宗律師所同受
八戒各持十齋繇是香火因緣漸相親近及公居相位走
在班行公府私家時一相見佛乘之外言不及他誓趨菩
徒交親集作相度脫去年臘月勝業宅中公云心集作必結佛
緣無如願力因自開經篋出大方廣佛華嚴經京本有中十

願品一通合掌焚香口讀手授自持護始傳一人曾未經
旬公即捐館追思復視似不偶然今即日於道場齋心持
念一願一禮如公在前以至他生不敢廢墜至若與公同
科第聯官寮奉笑言蒙推獎窮通榮頓之感離合存歿之
悲盡成虛空何足言歎今茲薦奠不設葷腥庶幾降臨鑒
察情集作精意噫浮生是幻真諦非空靈鷲山中既同前會
堯率天上豈無後期嗚呼帝君先後聞耳伏惟尚饗

祭李司徒文

前人

維大和四年歲次戊戌七月癸酉朔十九日辛卯大中大
夫守太子賓客分司東都上柱國賜紫金魚袋白居易內
重表弟朝請大夫守少府監上柱國李翱謹以清酌庶羞

之奠敬祭于故相國興元節度使贈司徒李公惟公之生

樹置名

集作制

節忠貞諒直天下所仰惟公之歿連

集作遭

罹

禍變

京本作亂

冤憤痛酷天下所知雖千萬其言終不能盡於

集作故

茲奠次但寫私誠居易應進士以鄙劣之文蒙公稱

獎在翰林日以拙直之道蒙公扶持公雖徇公愚則受賜

或中或外或合或離契濶綢繆三十餘年至於豆觴之會

軒蓋之遊多奉光塵最承歡惠眷遇既深於常等痛憤實

倍於衆情求訣奈何長慟而已翺情兼中外分辱眷知綿

以歲時積成交舊敢申薄酬

集作奠

庶鑒微衷嗚呼哀哉伏

惟尚饗

文苑英華卷第九百八十八

文苑英華卷第九百八十九

祭文十二

交舊十二

祭元相公文一首

祭崔相公文一首

祭崔常侍文一首

祭處州李使君文一首

祭周相公文一首

祭蕭侍郎文一首

祭宣武王尚書文一首

祭太常崔丞文一首

祭元相公文

白居易

維大和五年歲次辛亥十月乙丑朔十七日辛巳中大夫

守河南尹上柱國晉陵縣開國男食邑三百戶賜紫金魚

袋白居易謹以清酌庶羞之奠敬祭于故相國鄂岳節度

使贈尚書右僕射元公微之之靈惟公家積善慶天鍾粹

和生爲國禎出爲人瑞行業志略政術文華四科全才一時獨步雖歷將相未盡謨猷故風聲但樹於藩方功利不周於夷夏噫此蒼生之不大遇也在公豈有所不足耶詩云淑人君子胡不萬年又云如可贖今人百其身此古人哀惜賢良之懇辭也若情理憤痛過於斯者則號叫噎呼鬱之不暇又安可勝言哉嗚呼微之貞元季年始定交分行止通塞靡所不同金石膠漆未足爲喻死生契濶者近集無此字三十載歌詩唱和者九百餘章播於人聽集作今不復叙至於爵祿患難之際寤寐憂思之間誓心同歸交感非一布在文翰今不重云惟近者公拜左丞自越過洛醉別悲吒投我一詩云君應性我番連久我亦與君離

別難白頭徒侶漸稀少明日恐君無此歡又云集作自

識君來三度別遮集作迴白盡老髭鬚戀君不去君須會

知得後迴相見無吟罷涕零執手而去私恠集作其故中

心惕然及公捐館於鄂悲訊集作忽至一慟之後萬恨集

感交懷覆視前篇詞意若此得非魄兆將先知乎集作先

無以繼寄悲情作哀詞三章集作首今載於是以附奠文其

一云八月涼風吹白幕寢門廊下哭微之妻孥親友來相

弔惟道皇天無所知其二云文章卓犖生無敵風骨精靈

沒有神哭送咸陽北原上可能隨例作埃塵其三云今在

豈有相逢日未死應無暫忘時從此三篇收淚後終身無

復更吟詩嗚呼微之始以詩交終以詩訣弦筆兩絕其今

日嗚呼微之三界之間應不生滅集作孰四海之內誰無

無友集作交朋然以我爾之身為終天之別既往者已矣未

死者如何嗚呼微之六十衰翁灰心血流集作引酒再奠

撫棺一呼佛經云凡有業結無非因集與公緣會豈是偶

然多生已來幾離幾合寧無後期公雖不歸我應繼往安

有形去而影在皮亡而毛存者乎嗚呼微之言盡於此尚

饗

祭崔相公文

前人

維大和六年歲次壬子十月庚申朔二十四日癸未中大

夫守河南尹上柱國晉陽縣開國男食邑三百戶賜紫金

魚袋白居易謹以清酌庶羞之奠敬祭于故相國吏部尚

書贈司徒清河崔公敦詩惟公德望事業識量集作操履

為時而生作國之紀巖廊輔弼集作藩部政理集作治父母

黎元股肱天子斯皆談在人口播於蜀本人耳今所叙者

眷知而已於戲自古及今實重知音故詩美伐木易稱斷

金始愚與公同入翰林因官識面因事知心獻納合章對

揚聯袂以忠相勉以義相箴朝按接集作同食夜牀並衾綢

繆五年情與時深及公登庸累分戎閩集作閩鎮愚亦去國出

領符印徐宣外集作遠部忠抗遐郡鴈去寄書潮來傳集作得

信無由會合只望音問未卜後期但敦前分集有大和之

初連徵歸朝公長京本作分夏司愚貳秋曹王德彌堅集作壯

集作松心不凋南官多暇屢接遊遨竹寺雪夜杏園花朝杜

曲春晚潘亭月高前對青山後携濁醪微之夢得慕巢師

高集作或徵雅言酣詠陶陶或命俗樂絲管嘈嘈藉草蔭

松枕麵鋪糟曾未周歲索然分鑣公又授鉞南撫荆蠻報

政入覲復惣天官愚因謝病東歸澗灑方從四皓旋守三

川日集作蒙訊問時集作奉周旋豈無要約良有因緣洛

城東隅履道西偏脩篁迴合流水潺湲與公居第間集作

巷相連與公齒髮甲子同年兩心相期三逕之間優游携

手而終老焉嗚呼易失者時難集作者天既奪我志又

殲我賢丘園未歸館舍先捐百身莫贖一夢不還鬱鬱佳

城茫茫九原淒涼簫鼓慘澹風煙祖奠遲遲泣涕連連平

生親友羅拜柩前賢人已矣天地蒼然嗚呼哀哉敦詩

饗

祭崔常侍文

前人

維大和九年歲次乙卯二月景子通鑑目錄同朔七日壬

申當作午中大夫守太子賓客分司東都上柱國賜紫金

魚袋白居易謹以清酌之奠敬祭于故秘書監贈禮部尚

書崔公惟公之世祿家行文章政事播於時論此不復云

今但叙舊好寫哀集作誠而已嗚呼居易兄弟與公伯仲

前後科第同登者四五辱為僚友三十餘年集有膳部房

某集無與公同風集作塵之遊定膠漆之分兩家不幸十

年以來衰集作豐所鍾零落殆盡我老君病惟餘二人天

不憖遺公又即世不登大位不享永年夙志莫伸幽憤何

極居易方屬疾恙不遂執紼遣姪阿龜往展情禮此如不
祭痛當集作末痛奈何嗚呼重易平生知我寢門一慟可得而
聞乎重易平生嗜酒莫筵一酌可得而歆乎嗚呼哀哉伏
惟尚饗

祭處州李使君文

杜牧

維會昌五年歲次乙丑某月日池州刺史杜牧謹遣軍事
押衙王鏐以清酌庶羞之奠敬致祭于亡友李君起居之
靈憶昔相遇兩未生鬚京師衆中跡猶甚踈一言道合盡
寫有無我於宣城忝跡賓吏君隨幕府東下繼至復與友
人故薛子威邂逅適願如相期為集作爲期於談劇論集作於
各持是非攻強討深張干集作干殼機怒或施赫終成笑

於後七年君拜左吏來蜀西川我官補闕云媿我先拜章
請代蓋私我焉我有家事乞假南來循行里第君出離杯
今第在席恣為詼諧耳熱膽張觥連相狻我歸墜馬一支
幾摧君來我坐側倚旁隈持簡集作特聞酸吟戲口猶開云君
我殺以酒相加忌我之才及我南去君刺池陽我守黃岡
葭葦之場惟君書信前後相望詞意纖悉勉我自強律我
情性補短裁長一函每發沉憂併忘幸會交代沿一作檝
若飛江上九月涼風滿衣為別幾時多少勸悲志業益廣
不可窺知長人之術首集作莫為吏師縱酒十日舞袖傲垂
語公之餘且及其私許以季女配我長兒莫云稚齒可以
指期各負少壯輕後會時寓居宣城書札日馳一疾不起

訃來猶疑嗚呼哀哉惟先僕射儉德冠古凡二十年四領
茅土所至所治曰人父母官俸餘半委庫不取京師里第
蓬茅數畝慶餘生君曰天酬補何聰明才智兮不使施為
何付與之多兮拆之何暴天陽地陰高厚相伴上有河漢
鈇普借天橫流百刻晝夜平分不饒皎不陰晦一月幾朝
二男三女俗率如此三男二女無有其地君子小人鼻目
並列與小人校魯不集作會無百一於百一中與集作秀奪實
人集作稟陰陽生於其間陽常不勝賢者宜艱自古皆然
欲復何言拊孤一弔拍棺一哭咫尺不遂涕下相續期於
沒齒盡力嗣子嗚呼哀哉伏惟尚饗

祭同相公文

前人

維大和五年歲次辛未七月辛未朔八日戊寅故吏朝議
郎持節湖州諸軍事守湖州刺史杜牧謹遣押衙司馬素
謹以清酌庶羞之奠敬祭于故相國僕射贈司徒周公之
靈伏惟相公之道徧於天下至如牧者受恩最深爰自稚
齒即蒙顧許及在官途接挈益至會昌之政柄者為誰念
集作忍陰汗平聲多逐良善牧實忝幸亦在譴中黃岡大澤
葭葦之場繼來池陽棲在孤島僻左五歲遭遇聖明收拾
冤沉誅竄集作罪惡牧於此際更遷桐廬東下京江南走
千里屈曲越嶂如入洞穴驚濤觸舟幾至傾沒萬山環合
纒千餘家夜有哭烏晝有毒霧病無與醫饑不兼食抑暗
偪塞行少臥多逐者紛紛歸軫相接惟牧遠棄其道益艱

相公憐憫極力掀拔爰及作相首取西歸授之名曹帖以
重職號國太子絳市謀人死而復生未足為喻旌旆西去
拜於都門賢士大夫無不攀惜皆曰相公事君盡忠保道
輕位大張公室盡閉私門彼由徑者跛倚不進天下賢彥
明知所趣集作趨重德壯年衆期再入牧牧集作牧守吳興繼奉
手示但思休退不言疾恙訃音集作問忽至慟哭問天嗚呼
蒼生未濟而喪吾相吾為蒼生慟豈獨私恩想像音容思
惟恩紀期於令嗣可以効死吳洛相遠逾於三集作二千無
因拜柩見歸九泉哭送使者致誠奠筵伏惟尚饗

代李文為崔京兆祭蕭侍郎文 李商隱

年月日

集有伏字

惟靈傳芳華胃稟慶靈源漢朝輔相之流

兼室帝王之遺懿克生儁德彰我休期高表百尋澄波萬

頃及春闈獻藝會府試才騏驎出塵蛟龍得水頓纓而駑

駘盡喪乘氣而驚蜃皆空憑凌遠天躑躅長道是將筮仕

先

集作光

乎縉紳侯國從知大朝就選秘寶宜陳於東序朱

紱必降於上玄錦帳而居青縑以覆建禮推盡瘁之績明

光多伏奏之勤亦既遷榮乃司論駁高居青瑣封還

集作拆

紫泥使明時無失政之譏大邦無不便之詔暫辭朝籍往

分郡符借寇莫從徵黃甚急方將啓乎良友進彼令人志

豈愛身誓將許

集作匡

國不謂踈網猶漏斯文

集作民

未康作

礪為鹽正侯理平之運依城憑社深懷剪滅之虞上蔽聰

明內求媒近故鴻猷不得而叶贊譽化莫可以輔成藐是

流離有窘陰雨嗚呼令唯逐客誰復上書獄以黨人但求
俱死銜冤遽往吞恨孤居目斷而不見長安形留而遠託
異國屈平忠而獲罪賈誼壽而不長終易炎涼遂分今昔
粵自東蜀言旋上京郭泰墓邊空多會塋鄧攸身後不見
遺孤信陰騭之莫知亦生人之極痛某等頃同班列獲奉
周旋分結死生地兼族類依仁既切慕德方深始驚南浦
之悲俄軫下泉之仆今則年良月吉筮協龜從顧埋王之
難追歎焚芝之集作而何及牲牢粗潔酒醴非多聊寫冊誠
以申永訣

為絳郡公祭宣武王尚書文

前人

伏惟曾構高基往脩峻址俯為明時載生竒士杜林舅

本雷文理楊惲外甥

集作

素多圖史朱檻有裕括羽成

逸足輕從東之道巨背狹圖南之水匡生明習董氏精專

魯壁墜簡汲冢遺編坐忘流麥出記懷鉛淹中莫敵稷下

惟先朝有曲臺時推奧學明博士之高選資衆儒之先覺

殷周損益夔夷禮樂既得根源盡除踏駁粉闈假途

集作

諫署揚輝吾寧許訕時好依違周舉上章惟求主悟賈生

草疏

一作

豈畏人非用之則至捨之則歸旋領藩符俄司

國計鋤革煩冗脩明課第鄙晉室之鬻練

集作陳

疑作練小漢朝

之造幣前籌未借歛笏還家再北非罪三黜何嗟淮陽勁

兵頴水豪族既佩新印仍推舊轂杜當陽何嘗跨馬雄士

集作

武爭推祭征虜不廢投壺師人自睦夷門地古梁苑藩

雄雙旌大旆二矛重弓無忌御車惟求隱者相如謝病乃
慕高風方將副帝注心從時大願率周廟之奔走惣漢庭
之議論人之不幸今也則亡莊子孰分其魍魎秦醫莫究
其膏肓鴈沼波瀾空聞怨咽兔園臺榭祇見荒涼某獲顧
尤深蒙知甚早公昔分茅愚嘗集作當視草於劉向論思之
時贊孟舒長者之號及茲出守實介親隣音微繼好寤寐
依然常期異日克奉清塵何言永勸屬此佳辰訃哀如昨
歸轍攸遵林薄莽蒼川原隱磷想諸葛之旗鼓空還舊壘
念伯喈之書集作經籍已付何人候館攸開丹幡遽至瞻望
衛幕連綿泰時寄奠申訣織詞寫意終阻願於親躬徒加
哀於殄瘁嗚呼哀哉尚饗

爲濮陽公祭太常崔丞文

前人

年月日惟靈太岳繁祉平安望族潤地勢於長源構堂基
於脩麓藍田之產宜有良玉徂來之林宜無凡木昔我待
子松王之間冀十城之得價望千尋而可攀大年不登逸
足方駛松欲秀而先蠹王將攻而遽毀聞問之時歎悼何
已惟我承乏授命南征一言相許携手同行負絕萬里飄
泊雙旌念兩婢之價倍媿五羖之酬輕地接殊隣風移中
土五嶺三江炎飈瘴雨鈞犀之潭跼鷲之渚席上從容幕
中宴語先防載蕙之謗更示投香之所因使庸虛不罹罪
罟越井之首甘綏之女時清則銅集作筒鏘納厨歲稔則銀
簪叩鼓豈我之自唯予是與相從來覲又往于涇風埃古

文苑英華 卷九百八十九
戎霜雪孤亭偏聚

集作喪非

之服縵胡之嬰塞迥而晨嚴刀斗

沙平而夜篤堯零指我以虜隙勉我以武經正慰窮邊我

集作忽

還京邑北庭減價南轅

一作園

屑泣章臺碎掾方喜趙

嘉之來棘署選丞仍見譙玄之入是焉踐歷更後飛翻况

乎鳳沼又棲領原何疊成於燥濕而厲結於寒暄未及西

山之藥旋爲東岳之魂憶昨舊許員歸青門出餞樂作而

歎起杯行而淚泫俱容與

集作悔吝

於風波共沉吟於鐘箭揮

袂如昨郵書甚頻雖遙道里未濶聲塵孰謂念歸之日翻

爲有慟之晨嗚呼哀哉髣髴荒阡依稀古陌徐動卍旒未

歸玄宅願執紼而身遠想移舟而目極迥野秋思群山暮

色悵白髮之衰翁哭青雲之舊客聊茲寄莫莫馬西悲已

子爲我歌之

文苑英華卷第九百八十九

文苑英華卷第九百八十九

文苑英華卷第九百九十九

祭文十三

交舊十三

重祭外舅司徒文一首 祭薛即中文一首

祭吕商州文一首 祭楊即中文一首

祭張書紀文一首

重祭外舅司徒公文

此篇非交舊已移入九百九十一卷親族門

李商隱

為裴懿無私祭薛即中祭文 前人

伏惟靈佐商宣業朝薛傳規門崢層構堂業崇基玉生藍
岫芝產銅池梧高駐鳳蓮馥停龜有美令人載稱清邵訓
在詩書樂惟名教王謝標格曹劉才調清如濯熱之風明

若觀朝之燎靈臺委鑒虛空融和秋水望濶春臺上多鄉
塾掉鞅文林勵戈硯橫河漢紙落煙波澤宮狸首棘場揚
葉箭去星慙弓迴月怯兩書上第五辟名公馬卿賦雪陳
琳愈風平臺竹苑淮山桂叢營分細柳幕染芙蓉顯備臺
僚榮徙集作從憲秩冠莪鐵勁衣明繡密霜下端簡風生落
筆夜庭烏迴天秋隼疾帝念允職任于諫垣依違絕想從
容敢言攀檻而空留跡在削藁而不見書存女史護衣太
官供食伏奏多可分曹著績帳暖錦麗闌明粉白既題柱
以如田一作曲非亦償金而類直漢榮出牧晉議州兵廉袴歌
送劉錢贈行濟南之誅巨猾揚州之試諸生虎去江靜珠
來岸明神豈好謙天寧秩禮靈華國之名品喪士林之遺

惜使爲善者奪氣求仁者解體已不駐於卿雲竟何窺於
湫濟長洲樹古茂苑山春橘稅既集茶征是親鷁渡雪而
去遠鵠下亭而唳頻翟虜氛興殷楹夢起帳入飛鵬牀驚
聞蟻鄭玄知數阮瞻無鬼終自膏肓傳於骨髓嗚呼哀哉
丹青萬里建木千尋坦坦清路幢幢集作幢翠陰三襲臺廻
九重禁深中懸流宸下集華簪無非東箭盡是南金或扶
傾作棟或望早爲霖顯允明公宜膺百福夜暗神昧天長
景促青女變霜曦和納旭悄隋掌以銷璣慨周閑之喪駮
求惟清族本富才人有弟則陸無兄不苟原鶴奕奕沼鴈
馴馴珩竒動楚壁貴傾秦未矣彼蒼胡然人事但續椿壽
徒高鶴位摧壓光價掩淪聲味穎不濁而殄灌宗淮未絕

而傾王氏某甲因承中外集作某甲獲奉恩知通孔李道

德之舊蕪廬集作廬劉姻戚之私鑄顏有契全趙為期靜龍

門之風水割羊腸之嶮巖空欲銘恩何酌樹德庇孤根於

高援許加姻於弱植將歡宋子俄放湘南綬黃楚微鬚白

昭潭歸止未卜棄予是其許靖之悲方極王粲之憂不堪

猶如重言將敦故約玉無改行金不如諾勗大義於幽沉

軫遐心於漂泊使者尚在凶書已來鴈足空遠魚腸不廻

淚和峽雨哭振巴雷孰澆枯鮒誰蕪寒灰今則言去柳江

當後澧浦稍脫疑網猶罹罪咎念深慟以無期豈沉寃之

可吐嗚呼哀哉執紼路阻佳城望賒凌空乏翼上漢無槎

或期他日或反中華認揚公之石馬撫周苞之辟邪况哀

治規存遺經業在臧孫有後魏萬必大敢期陋質終託餘

光帝平之貂續無望秦晉之婚姻豈忘絮酒無幾生芻是

將辭多失次涕數無行翼桂旌之不遠降蘭珮之餘芳嗚

呼哀哉尚饗

祭呂商州文

前人

惟靈族光鈞渭慶顛歌齊竹分東箭王奪南圭透迤霄路

睥睨雲梯淺牙洞鼠短刃分犀古聖堂奧前賢町畦前腸

効藥刮膜晉篋彈琴而放臣見釋賣賦而妬后還閨旣步

京國亦薦鄉里與田蘇遊有太叔美鄴都才運洛陽年齒

何晏神仙張良女子禮闈之擅譽也如彼冊府之傳名兮

若此囊成內殿之帷書貴皇都之紙中臺南省諫署戎藩

才難價重政舉人存蓮池易曉蘭圃多暄溼波獨躍弄影
孤翻王粲樓中曾經暇日楊雄宅裏幾弔遺魂參差蒲憫
萋非成寃漢廷毀誼楚國諛原建禮門內明光殿外直金
旣肆於猜疑魏被竟從於沙汰蒙犯霜露支離埃塈厲山
遙鬱於朝嵐澁水傍奔其素瀨猶懷毒草過農井以低窺
尚憶神珠向隨臺而猶集作獨酌渚宮貳尹相府中郎將申
蠖屈欲復鴛行朱轡意氣皂蓋輝光訓說則馬季長之居
南郡風流則殷仲文之守東陽劉寵一錢鄧攸五鼓遂解
郡符來登書府儒林文囿瑤山瓊圃槩朝閱芸籤夜數瓜
當鄭灼之心錐在蘇秦之股是從佐理于彼東周雷喧洛

派電掣

集作雲納

嵩丘玉泉嘉月金谷清秋陳思王之羅襪

有道之仙舟不無賦詠聊以優游漢入曉關晉分陰地籍
賢太守之政有古諸侯之貴載揚筆陣復清劍氣長卿消
渴士安風痺逝川幾歎於不廻朝露俄聞於溘至嗚呼昔
也風塵投分平生少年雕龍競巧倚馬爭妍開襟隋岸促
膝伊川月中乃共誇科桂池裏亦相矜慕蓮劉檣屢擲畢
甕多眠終以世路紛綸物情推斥撫事傷年減歡加戚路
泣楊子絲悲墨翟縱風至而音來竟月同而地隔逮余庶
部及子頌條華樽旨酒綺席嘉穀各懸章綬俱失簞瓢雖
論金而契在終照玉而頰凋子牟之思魏闕望之之憶漢
朝誠知舌在不覺魂銷書斷三湘哀聞五嶺天涯地末高
秋落景重疊憂端縱橫決縷涌虬夜促隙駒朝騁怨藻繪

之亡惟惜陽春之亂郢言念令季記余屬城領原鴈序昔
日歡情蠻圻瘴嶠今朝哭聲慙支體遽亡於手足况兄弟
不如其集作於友生嗚呼厚夜依墓窮泉訪路已巳金骨嗟
嗟玉樹莫和哀挽空陳薄具銜萬里之遐誠託千辭之寄
喻異時松楸枯朽羊虎傾頽草宿苔厚門平闕集作關摧尚
期越禮用寫余哀靈今不昧倘或來哉

祭長安楊郎中文

前人

年月日謹以云云之奠祭于宗尹郎中之靈昔莊南華之
言物故則曰若巨室之偃歸人陶真白之語玄機則曰雖
頑仙不如才鬼邈矣高論嶢然深旨有感斯文屬在之子
黃河九曲泰華三峯陽集作潼亭之右陰晉之東泱泱佳氣

勝蠻孤風生民之秀惟子之宗旣懼四知亦畏三惑昔佐
赤符實毗皇極坦蕩王道昭宣帝則丹青不朽琬琰是刻
狀日具東侔辰在北子之伯仲不忝前人粉飾賢路抑揚
薦紳雲間日下國華席珍排龍掩陸突鶴摧荀卓爾風標
朗然流品妍若春輝烈如冬凜燕石知媿齊竽自審咸指
路以光銷盡登門而聲寢難售者價重難知者聲清披沙
揀金由是不媿鳥散花落于今有情劉儒十行孫弘三道
直路猶絃蠹政如掃筆海驚波詞園鞠草文場不寫於中
心冊苑空留於秘寶晉千里國漢第一功建幢油碧啓慕
蓮紅賓高王擇韻合人同固不能加減陳掾亦可以喜怒
桓公衣蕭含香省蘭臺栢赤管朝操青縑夜襞佐計相則

生聚有經贄一作集作地是官而則集作孤終叶籍於惟荔蒲言念

金昆毀冠裂集作帶雪泣星奔宅裏之荆枝半謝嶺頭之

梅萼集作空繁陟岡望兄詩客之情何極歸縣見姊騷人

之恨猶存乃擢戎曹遂荒京令將換清切以扶明聖不知

者壽難言者命未謁季良集作之醫已革曾參之病嗚呼

平生世路繾綣交期孫金盧米百賦千詩桂林崑嶠一片

一枝終以浮沉因兼險夷對臯壤之搖落成老大之傷悲

尚冀他年或陶良夜酒筵琴席燈闌月榭俱開愁別之襟

並息分歧之駕短景未果集作短良辰不借竟鬱結於深

裏倏淹淪於大化况南康解榻早降清光會稽繼組昨屢

餘芳情集作分逾極銜哀更長一二十年之間難追往事五

十里之外正恨殊鄉地濶山深川寒樹古杳杳玄夜荒蕪

集作宿莽生金認石埋玉恨土寄奠緘詞呼風涕雨噫戲

噫戲宗尹之魂來否

祭張書記文

前人

維會昌元年歲次辛酉四月辛丑朔二十日庚申隴西公

榮陽鄭某隴西李某安定張某昌黎韓某樊南李某謹以

清酌之奠致祭于故朔方書記張五審禮之靈嗚呼古有

不重千金殊輕尺璧或號百夫之防或作萬人之敵爭雄

角秀殊途異迹念閱水於千齡若衝飈之一息吁嗟審禮

寧或免之瞭眸巨鼻方口踈髭始自渚宮來遊帝里論極

懸河文酬段綺體物稱最登高擅羨良時不來躁進為耻

門巷蓬蒿荒涼如此藩溷筆硯寂寥而已梁多文士漢有
賢王猶市駿骨首驚夜光長裾旣曳健筆誰當職高蓮幕
官帶芸香青袍若草白簡如霜東閣朝暖西園夜涼震起
集作豈殺公諶惟故吏渭濱迴流馬之運峴首奉詞曹之諱
松筠不改琴罇有寄三遙方營一畝之地多文爲富無事
當貴亦解客嘲還答賓戲迴翔逸軌傲睨重霄將期晚節
更峻清標懸蛇結疊閭蟻成妖迴生乏祖洲之草續斷無
弱水之膠陳屍重來而何望楚魂一散而難招嗚呼神道
甚微天理難究桂蠹蘭敗龜年鶴壽在長短而且然於妍
醜而何有某等早承餘眷晚獲聯姻或感極外家延自出
之念或恩深猶子多引進之仁或敬屬丈人之行或情薰

內妹之親有美吾姨慶靈攸屬尊公則師長庶僚夫人則
儀刑六族門高并世之侯家享萬鍾之祿經過欵狎出入
遊陪映人玉潤覆水蓮開春歸別墅月滿高臺嵇山傾倒
謝雪徘徊惜景而持繩欲繫邀歡而秉燭相催中嘆乖離
今多至止仲叔辭辟而方反梅福罷官而未幾一則歸從
迴鴈之峰一則至自跼鵝之水方將爲笛裁竹綠箏斬梓
驅羿射鴻招何釣鯉豁契濶於屯夷極平生之宴喜良覲
雖屢深懷未從三靈莫効一夢俄終露先寒而隕葉漏未
盡而聞鐘今則列樹開封襟著得吉絳旒前引桐棺後出
隱軫原野淒涼雲月集作將歸宿莽之庭欲閉青松之室
殷勤舊集作賢偶冀望諸孤未歸下國且寓皇都江遠惟哭

天高大旦集作呼必有餘慶非無後圖嗚呼哀哉壺有芳醪
俎多肥粢叫噪不聞精靈何處爵憤徒極含辭莫叙冀有
鑒於酸嘶庶無乖於飶集作飶

文苑英華卷第九百九十九

